

今體詩鈔

冊二



五言今體詩鈔卷第六

杜子美下三十七首

杜公長律有千門萬戶開闔

劣專主此體見雖少偏然不為無識自來學杜

公者他體猶能近似長律則愈邈矣遺山云少

陵自有連城壁爭奈微之識杜公有長律旁見此

而目為玦玦此成何論耶或反不速其整晰

出無所不包而首尾一線尋其脈絡轉得清

明他人指陳編登而意緒或反不速其整晰

夔府書懷四十韻

昔罷河西尉。初興薊北師。起六韻自述生平進退不

才名位晚。敢恨省郎遲。扈聖崆峒日。端居澧瀕時。萍

流仍汲引。樗散尚恩慈。遂阻雲臺宿。常懷湛露詩。翠

華森遠矣。白首颯淒其。拙被林泉滯。生逢酒賦欺。文

園終寂寞。漢閣自磷緇。病隔君臣議。慚紆德澤私。揚

鑣驚主辱。拔劍撥年衰。以上自敘社稷經綸地風雲

際會期。血流紛在眼。涕泗亂交頤。四瀆樓船泛。中原

鼓角悲賊城連白翟戰瓦落丹墀先帝嚴靈寢宗臣  
切受遺恆山猶突騎遼海競張旗田父嗟膠漆行人  
避蒺藜總戎存大體降將飾卑詞楚貢何年絕堯封  
舊俗疑長吁翻北寇一望卷西夷不必陪元圃超然  
待具茨凶兵鑄農器講殿闢書帷此雖佳事而非時務于山所謂天子

方剛詩書定禮樂肅代好佛荒政略似梁武故子美云爾

廟算高難測天憂實在

茲形容真潦倒答效莫支持使者分王命

以下傷蜀中奉使者

之不

羣公各典司恐乖均賦斂不似問瘡痍萬里煩

供給孤城最怨思綠林寧小患雲夢欲難追卽事須  
嘗膽蒼生可察眉議堂猶集鳳貞觀是元龜處處喧  
飛檄家家急競錐蕭車安不定蜀使下何之釣瀨疏  
墳籍以下述所處情況耕巖進弈棋地蒸餘破扇冬暖更織  
絺豺遘哀登粲麟傷泣象屣衣冠迷適越藻繪憶游



雖賞月延秋桂傾陽逐露葵  
大庭終返樸京觀且僵  
尸高枕虛眠晝哀歌欲和誰  
南宮載勳業凡百慎交  
綏

傲廬遣興奉寄巖公

野水平橋路春沙映竹村  
風輕粉蝶喜花暖蜜蜂喧  
把酒宜深酌題詩好細論  
府中瞻暇日江上憶詞源  
迹忝朝廷舊情依節制尊  
還思長者轍恐避席爲門

遣興

驥子好男兒前年學語時  
問知人客姓誦得老夫詩  
世亂憐渠小家貧仰母慈  
鹿門攜有處烏道去無期  
天地軍麾滿山河戰角悲  
儻歸免相失見日敢辭遲

北風

春生南國瘴氣待北風  
蘇向晚霾殘日初宵鼓大鑪

爽攜卑溼地。聲拔洞庭湖。萬里魚龍伏。三更鳥獸呼。  
滌除貪穢浪。愁絕付摧枯。執熱沈沈在。陵寒往往須。  
且知寬疾肺。不敢恨危塗。再宿煩舟子。衰容問僕夫。  
今晨非盛怒。便道卽長驅。隱几看帆席。雲山湧坐隅。

太歲日

楚岸行將老。巫山坐復春。病多猶是客。謀拙竟何人。  
閶闔開黃道。衣冠拜紫宸。榮光縣日月。賜與出金銀。  
愁寂鷓鴣行。斷參差虎穴。鄰西江元下蜀。北斗故臨秦。  
散地逾高枕。生涯脫要津。天邊梅柳樹。相見幾回新。  
大歷三年春。白帝城放船出瞿塘。峽久居夔府。  
將適江陵。漂泊有詩凡四十二韻。

老向巴人裏。今辭楚塞隅。入舟翻不樂。解纜獨長吁。  
窄轉深唬狖。以下十二韻賦峽中虛隨亂浴鳧。石苔陵几杖。空

翠撲肌膚疊壁排霜劍奔泉濺水珠杳冥藤上下濃

淡樹榮枯神女峯娟妙昭君宅有無曲留明怨惜夢

盡失歡娛上下寫峽中險急卻入此二韻意態甚閒此爲神妙擺闔盤滂沸歌

斜激浪輪風雷纏地脈冰雪曜天衢鹿角真趨險狼

頭似跋胡自注鹿角狼頭二難名惡難甯變色高臥負微軀書

史全傾撓裝囊半壓濡生涯臨臬兀死地脫斯須不

有平川決以下十韻賦出峽後焉知衆壑趨乾坤靈漲海雨露

洗春燕鷗鳥牽絲颺驪龍濯錦紆落霞沈綠綺殘月

壞金樞泥筍苞初荻沙茸出小蒲鴈兒爭水馬燕子

逐檣鳥絕島容煙霧環洲納曉晡前聞辯陶牧轉盼

拂宜都縣郭南畿好津亭北望孤勞心依憩息朗詠

劃昭蘇意遣樂還笑以下十韻自慨衰迷賢與愚飄蕭將素

髮汨沒聽洪鑪邱壑曾忘返文章敢自誣此生遭聖

代誰分哭窮途臥病淹爲客蒙恩早廁儒廷爭酬造

化樸直乞江湖濫瀕險相迫承峽中滄浪深可逾承出

浮名尋已已懶計卻區區喜近天皇寺四句先披古

畫圖自注此寺有晉王右軍書應經帝子渚同泣舜

蒼梧此就重華而朝士兼戎服以下八韻君王按湛

盧旄頭初傲擾鶉首麗泥塗甲卒身雖貴書生道固

殊出塵皆野鶴歷塊匪轅駒伊呂終難降韓彭不易

呼世有伊呂其人不用則爲野鶴用之以濟艱難如

歷塊耳雖有韓彭桀鶩可以指麾呼之此書生道

固殊也無此書生故甲卒貴而韓彭五雲高太甲六

月曠搏扶回首黎元病爭權將帥誅山林託疲茶未

必免崎嶇雄警奇變長律賦

秋日荆南述懷三十韻  
昔承推獎分愧匪挺生才遲暮宮臣忝艱危衰職陪

揚鏹隨日馭折檻出雲臺罪戾寬猶活干戈塞未開

星霜元鳥變身世白駒催伏枕因超忽扁舟任往來

九鑽巴嘆火三蟄楚祠雷望帝傳應實昭王問不回

蛟螭深作橫豺虎亂雄猜素業行已矣浮名安在哉

琴鳥曲怨憤庭鶴舞摧頽秋水漫湘竹陰風過嶺梅

苦搖求食尾常曝報恩腮結舌防讒柄探腸有禍胎

蒼茫步兵哭展轉仲宣哀飢藉家家米愁徵處處楮

休爲貧士歎任受衆人哈以上自述以得喪初難識

榮枯劃易該差池分組冕合沓起蒿萊不必伊周地

皆登屈宋才宦豎擅國非伊周地也漢庭和異域晉

史坵中台霸業尋常體宗臣忌諱災此似謂李輔國

宗陰使人刺之而不明誅所謂忌諱羣公紛戮力聖

災公夔府書懷亦以宗臣稱輔國慮窅衷衷進人太易則退之亦易所謂榮枯易該也

故衷衷不知所任若慎擇賢人使爲公輔

無愧斗魁之望則海內兵可數見銘鐘鼎真宜法斗

魁願聞鋒鏑鑄莫使棟梁摧盤石主多翦凶門轂少

推垂旒資穆穆祝網但恢恢赤雀翻然至黃龍不假

媒賢非夢傅野收第隱類鑿顏坏收前自古江湖客

冥心若死灰噴薄如江

寄彭州高三十五使君適虢州岑二十七長史

參三十韻自注時患瘧病

故人何寂寞今我獨淒涼老去才難盡秋來興甚長

物情尤可見詞客未能忘海內知名士雲端各異方

高岑殊緩步沈鮑獨同行意愜關飛動篇終接混茫

舉天悲富駱近代惜盧王似爾官仍貴前賢命可傷

文外諸侯非棄擲半刺已翺翔詩好幾時見書成無

使將男兒行處是接頭過渡無痕關以客子鬪身強

羈旅推賢聖。沈縣抵咎殃。三年猶瘡疾。一鬼不銷亡。  
隔日搜脂髓。增寒抱雪霜。徒然潛隙地。有覩屢鮮妝。  
何太龍鍾極。于今出處防。無錢居帝里。盡室在邊疆。  
劉表雖遺恨。龐公至死藏。心微傍魚鳥。肉瘦怯豺狼。  
隴草蕭蕭白。洮雲片片黃。彭門劍閣外。以下六韻號承故人句  
略鼎湖旁。荆玉簪頭冷。巴箋染翰光。烏麻蒸續曬。丹  
橘露應嘗。豈異神仙宅。俱兼山水鄉。竹齋燒藥竈。花  
嶼讀書牀。更得清新否。遙知對屬忙。舊官甯改漢。淳  
俗本歸唐。濟世宜公等。收故人安貧亦士常。收今蚩尤  
終戮辱。胡羯漫猖狂。會待妖氛靜。論文暫裹糧。

寄劉峽州伯華使君四十韻

峽內多雲雨。秋來尚鬱蒸。遠山朝白帝。深水謁夷陵。  
遲暮嗟爲客。西南喜得朋。哀蟻更起坐。落鴈失飛騰。



伏枕思瓊樹臨軒對玉繩青松寒不落碧海闊逾澄

昔歲文為理世以下述羣公價盡增家聲同令聞時論

以儒稱太后當朝肅多才接迹昇杜審言子并死劉允濟為文祭之見

杜本傳足徵其交密中宗初置修文館審言允濟皆為直學士然其初宦皆在武后時下翠虛一聯謂中

宗復辟也翠虛指颺颺丹極上鷓鴣宴引春壺酒恩分夏

簟冰雕章五色筆紫殿九華燈學並盧王敏書偕褚

薛能老兄真不墜論以下小子獨無承近有風流作承

兄聊從月繼徵放蹠知赤驥振翅服蒼鷹卷軸來何

晚襟懷庶可憑會期吟諷數益破旅愁凝雕刻初誰

料纖毫欲自矜神融躡飛動戰勝洗侵凌妙取筌蹠

棄高宜百萬層白頭遺恨在承小子青竹幾人登迴首

追談笑以下敘世勞歌踟寢興年華紛已矣世故莽

相仍刺史諸侯貴謂郎官列宿應謂潘生驂閣遠謂

謂

黃霸璽書增

劉謂

乳贗號攀石飢餓訴落藤

言託

藥囊

親道士灰劫問胡僧憑久烏皮綻簪稀白帽棲林居

看蟻穴野食待魚醫筋力交凋喪飄零免戰兢昔爲

百里宰

承飄

正似六安丞姪女榮新裹

承筋

丹砂冷

舊秤但求椿壽永

承姪

莫慮杞天崩

承昔

鍊骨調情

性

謂自

張兵撓棘矜

劉謂

養生終自惜

承鍊

伐叛必全懲

承張

政術甘疏誕

收後

世

詞場愧服膺

收前

段展

懷詩頌魯割愛酒如澠咄咄甯書字冥冥欲避僧江

湖多白鳥天地有青蠅

陸璣疏鷺水鳥也好而潔白故謂之白鳥陸魯望詩好伴

滄洲白鳥羣公此詩亦言與鷗鷺爲侶耳此時公所居地蓋有不能安者冀劉愍念世交爲濟其困又

言己非有大望但得避害閒居養生談藝足矣其詞微嫌鬱塞故是意與不佳時也

奉送郭中丞兼太僕卿充隴右節度使三十韻

讀少陵贈送人詩正如昌黎贈送人序橫空而來盡意而止變化神奇初無定格

詔發山西將秋屯隴右兵淒涼餘部曲燁赫舊家聲

鵬鷲乘時去驕驢顧主鳴艱難須上策容易卽前程

斜日當軒蓋高風卷旆旌松悲天水冷沙亂雪山清

和虜猶懷惠

二韻言隴右無事

防邊詎敢驚古來於異域鎮

靜示專征燕薊奔封豕

十一韻言中原方急宜當劇任

周秦觸駭鯨

中原何慘躓餘孽尚縱橫箭入昭陽殿笳吟細柳營

丙人紅袖泣王子白衣行宸極妖星動園林殺氣盈

空餘金碗出無復總帷輕毀廟天飛雨焚宮火徹明

翠翼朝共落輪栊夜同傾二月師逾整羣胡勢就烹

瘡痍親接戰勇決冠垂成妙譽期元宰殊恩且列卿

幾時回節鉞戮力掃欃槍圭竇三千士

六韻入送別

雲梯

七十城恥非齊說客甘作魯諸生通籍徵班忝周行

獨坐榮隨肩趨漏刻短髮寄簪纓徑欲依劉表還疑

厭禰衡漸衰那此別。忍淚獨含情。廢邑狐狸語。

四韻  
仍言

己望郭濟  
世之意

空村虎豹爭。人頻墜塗炭。公豈忘精誠。元

帥調新律。前軍壓舊京。安邊仍扈從。莫作後功名。

上韋左相二十韻

鳳歷軒轅紀龍飛。四十春。入荒開壽域。一氣轉洪鈞。  
霖雨思賢佐。丹青憶老臣。應圖求駿馬。驚代得麒麟。  
沙汰江河濁。調和鼎鼐新。韋賢初相漢。范叔已歸秦。  
盛業今如此。傳經固絕倫。豫章深出地。滄海闊無津。  
北斗司喉舌。東方領縉紳。持衡留藻鑑。聽履上星辰。  
獨步才超古。餘波德照鄰。聰明過管輅。尺牘倒陳遵。  
豈是池中物。由來席上珍。廟堂知至理。風俗盡還淳。  
才傑俱登用。愚蒙但隱淪。長卿多病久。子夏索居貧。  
回首驅流俗。生涯似衆人。巫咸不可問。鄒魯莫容身。

感激時將晚。蒼茫興有神。爲公歌此曲。涕淚在衣巾。  
投贈哥舒開府翰二十韻

今代麒麟閣。何人第一功。君王自神武。駕馭必英雄。  
開府當朝傑。論兵邁古風。先鋒百勝在。略地兩隅空。  
青海無傳箭。天山早挂弓。廉頗仍走敵。魏絳已和戎。  
每惜河湟棄。新兼節制通。智謀垂睿想。出入冠諸公。  
日月低秦樹。乾坤遶漢宮。胡人愁逐北。宛馬又從東。  
受命邊沙遠。歸來御席同。軒墀曾寵鶴。畋獵舊非熊。  
茅土加名數。山河誓始終。策行遺戰伐。氣合動昭融。  
勳業青冥上。交親氣槩中。未爲珠履客。已見白頭翁。  
壯節初題柱。生涯獨轉蓬。幾年春草歇。今日暮途窮。  
軍事留孫楚。行閒識呂蒙。防身一長劍。將欲倚崆峒。

奉贈太常張卿二十韻

方丈三韓外崑崙萬國西建標天地闊詣絕古今迷  
氣得神仙迥恩承雨露低相門清議衆儒術大名齊  
軒冕羅天闕琳琅識介珪伶官詩必誦夔樂典猶稽  
健筆陵鸚鵡銛鋒瑩鸚鵡友于皆挺拔公望各端倪  
通籍逾青瑣亨衢照紫泥靈虬傳夕箭歸馬散霜蹄  
能事聞重譯嘉謦及遠黎弼諧方一展班序更何躋  
適越空顛躓游梁竟慘悽謬知終畫虎微分是醯雞  
萍泛無休日桃陰想舊蹊吹噓人所羨騰躍事仍睽  
碧海真難涉青雲不可梯顧深慚鍛鍊才小辱提攜  
檻束哀猿叫枝驚夜鵲棲幾時陪羽獵應指釣璜谿  
按此詩前人以為贈張垺是也垺為主婿地連禁密  
望之不可攀躋若神仙然故以方丈崑崙形容貴峻  
氣象亦暗用蕭史事耳公於垺蓋有文謙之遇故贈  
此詩及其居翰林與外人隔絕矣李德裕言舊制駙  
馬都尉與要官禁不往來開元中詞督尤切故再贈  
八韻有無復隨高鳳之句再贈之作不復稱其家世

才望以先有此作故也題下注培字傳本偶誤作均  
蒙叟必欲作贈均既非太常又起四句不能通則  
謂均嘗為元宗求妙實真符于寶仙洞調  
其以求仙得幸使杜公文理大為解謬矣

移居公安敬贈衛大郎鈞

衛侯不易得余病汝知之雅量涵高遠清襟照等夷  
平生感意氣少小愛文辭河海由來合風雲若有期  
形容勞宇宙質樸謝軒墀自古幽人泣流年壯士悲  
水煙通徑草秋露接園葵入邑豺狼鬪傷弓烏雀飢  
白頭供宴語烏几伴棲遲交態遭輕薄今朝豁所思  
奉贈盧五丈參謀琚自注時丈人使自江陵在長沙待命恩旨先支給錢  
米燾按此謂先有朝旨以湖南濟江陵給其錢  
米而湖南帥吝未給琚待此帥命久未得故有  
蒼生轉寂  
寥之數  
恭惟同自出妙選異高標入幕知孫楚披襟得鄭僑  
丈人藉才地門閥冠雲霄老矣逢迎拙相於契託饒



賜錢傾府待爭米。駐船遙鄰好艱難。薄坻心杼袖焦  
客。星空伴使寒水不成潮。素髮乾垂領銀章。破在腰  
說詩能累夜。醉酒或連朝。藻翰惟牽率。湖山合動搖。  
時清非造次。興盡卻蕭條。天子多恩澤。蒼生轉寂寥。  
休傳鹿是馬。莫信鵬如鷄。未解依依袂。還斟汎汎瓢。  
流年疲蟋蟀。體物幸鷦鷯。孤負滄洲願。誰云晚見招。

奉送嚴公入朝十韻

鼎湖瞻望遠。象闕憲章新。四海猶多難。中原憶舊臣。  
與時安反側。自昔有經綸。感激張天步。從容靜塞塵。  
南圖回羽翮。北極捧星辰。漏鼓還思晝。宮鸞罷轉春。  
空留玉帳術。愁殺錦城人。閣道通丹地。江潭隱白蘋。  
此生那老蜀。不死會歸秦。公若登台輔。臨危莫愛身。

湖南送敬十使君適廣陵

相見各頭白。其如離別何。幾年一會面。今日復悲歌。  
少壯樂難得。歲寒心匪他。氣纏霜匣滿。冰置玉壺多。  
遭亂實漂泊。濟時曾琢磨。形容吾較老。膽力爾誰過。  
秋晚嶽增翠。風高湖湧波。騫騰訪知己。淮海莫蹉跎。

奉贈蕭十二使君

昔在巖公墓。俱爲蜀使臣。艱危參大府。前後閱清塵。  
起草鳴先路。乘槎動要津。王鳧聊暫出。蕭雉止相馴。  
終始任安義。荒蕪孟母鄰。聯翩匍匐禮。意氣死生親。  
張老存家事。嵇康有故人。食恩慚鹵莽。鏤骨抱酸辛。  
巢許山林志。

巢許六句皆以己與蕭對。圖乃公自指。但取南行意。

夔龍廊廟

珍鵬圖仍矯翼。熊軾且移輪。磊落衣冠地。蒼茫土木  
身。壘篋鳴自合。金石瑩逾新。重憶羅江外。同游錦水  
濱。結歡隨過隙。懷舊益霑巾。曠絕含香舍。稽留伏枕

辰停驂雙闕早。迴鴈五湖春。不達長卿病。從來原憲貧。監河受貸粟。一起轍中鱗。

秦州見敕目薛三璩授司議郎畢四曜除監察  
與二子有故遠喜遷官兼述索居三十韻

大雅何寥闕。斯人尚典型。交期余潦倒。材力爾精靈。  
二子升同日。諸生困一經。文章開竅奧。遷擢潤朝廷。

舊好何由展。新詩更憶聽。別來頭併白。相見眼終青。

以上六韻了題以下敘昔同遭禍亂及收京事伊昔貧皆甚。同憂歲不甯。棲

遑分半菽。浩蕩逐流萍。俗態猶猜忌。妖氛忽杳冥。獨

慚投漢閣。俱議哭秦庭。還蜀祇無補。囚梁亦固局。華

夷相混合。宇宙一羶腥。帝力收三統。天威總四溟。舊

都俄望幸。清廟肅惟馨。雜種雖高壘。長驅甚建瓴。焚

香淑景殿。漲水望雲亭。法駕初還日。羣公若會星。宮

珍傲宋版印

臣仍點染柱史正零丁官忝趨棲鳳朝回數聚螢喚

人看驪憂不嫁惜娉婷公為拾遺時薛畢尚未掘劍

知埋獄以下言薛畢得官已提刀見發矟侏儒應共

鮑漁父忌偏醒旅泊窮清渭長吟望濁涇羽書還似

急烽火未全停師老資殘寇戎生及近坻忠臣辭憤

激烈士涕飄零上將盈邊鄙元勳溢鼎銘仰思調玉

燭誰定握青萍隴俗輕鸚鵡原情類鵲鴿秋風動關

塞高臥想儀形

### 寄張十二山人彪三十韻

獨臥嵩陽客三違潁水春首二句貫通篇艱難以下

世祖以下十四韻皆獨臥嵩陽時也艱難隨老母慘淡向時人謝氏尋

山屐陶公漉酒巾羣凶彌宇宙此物在風塵歷下辭

姜被歷下六韻言初與山人相識而關西得孟鄰早

見其德藝之美疑其時在京師

通交契密晚接道流新靜者心多妙先生藝絕倫草

書何太苦詩興不無神曹植休前輩張芝更後身數

篇吟可老一字買堪貧將恐曾防寇將恐六韻言山人奉母避亂而

與己再遇也疑其時在鳳翔深潛託所親甯聞倚門夕盡力潔餐

晨疏懶為名誤驅馳喪我真索居猶寂寞相遇益悲

辛流轉依邊徼逢迎念席珍時來故舊少亂後別離

頻流轉句承索居邊徼者公室家在鄰鄉時也逢迎

頻字收上又世祖修高廟文公賞從臣世祖五韻言

起下遂歸嵩陽也蓋山人曾見肅宗於鳳商山猶入楚渭

水不離秦商山句言山人由是路存想青龍祕騎行

白鹿馴耕巖非谷口結草即河濱射後符應驗囊中

藥未陳旅懷殊不愜旅懷以下九韻乃言己良覲渺

無因自古皆悲恨浮生有屈伸此邦今尚武何處且

依仁鼓角陵天籟關山信月輪官場羅鎮磧賊火近  
洮岷蕭瑟論兵地蒼茫鬪將辰大軍多處所餘孽尚  
紛綸高興知籠鳥斯文起獲麟窮秋正搖落迴首望  
松筠情事甚雜敘來總不費力但覺跌宕頓挫首尾浩然

寄岳州賈司馬六丈巴州嚴八使君兩閣老五

十韻

衡岳嘯猿裏巴州鳥道邊故人俱不利謫宦兩悠然  
開闢乾坤正榮枯雨露偏長沙才子遠釣瀨客星懸  
憶昨趨行殿殷憂捧御筵討胡愁李廣奉使待張騫  
無復雲臺仗虛修水戰船蒼茫城七十流落劍三千  
畫角吹秦晉旄頭俯瀾灩小儒輕董卓有識笑符堅  
浪作禽填海那將血射天萬方思助順一鼓氣無前  
陰散陳倉北晴熏太白巔亂麻屍積衛破竹勢臨燕

法駕還雙闕。王師下八川。此時霑奉引。佳氣拂周旋。

貔虎開金甲。麒麟受玉鞭。侍臣諳入仗。廢馬解登仙。

花動朱樓雪。城疑碧樹煙。衣冠心慘愴。故老淚潺湲。

哭廟悲風急。朝正霽景鮮。以上敘收京事。承開闢乾坤正。以下敘同朝以逮遷。

謫承榮枯。雨露偏。月分梁漢米。春給水衡錢。內藥繁於顯。宮

莎軟勝絲。恩榮同拜手。出入最隨肩。晚著華堂醉。寒

重繡被眠。轡齊兼秉燭。書柱滿懷牋。每覺昇元輔。深

期列大賢。秉鈞方咫尺。鍛羽再聯翩。禁掖朋從改。微

班性命全。青蒲甘受戮。白髮竟誰憐。弟子貧原憲。諸

生老服虔。師資謙未達。鄉黨敬何先。舊好腸堪斷。以下

十韻思嚴賈而勉戒之。新愁眼欲穿。翠乾危棧竹。紅膩小湖蓮。

賈筆論孤憤。嚴君賦幾篇。定知深意苦。莫使衆人傳。

貝錦無停織。朱絲有斷絃。浦鷗防碎首。霜鶻不空拳。



地僻昏炎瘴。山稠隘石泉。且將棋度日。應用酒爲年。  
典郡終微渺。治中實棄捐。安排求傲吏。比興展歸田。  
去去才難得。以下自述所處蒼蒼理又元。古人稱逝矣。吾道  
卜終焉。隴外翻投迹。漁陽復控弦。笑爲妻子累。甘與  
歲時遷。親故行稀少。兵戈動接聯。他鄉饒夢寐。失侶  
自迤邐。多病加淹泊。長吟阻靜便。如公盡雄俊。志在  
必騰騫。

寄李十二白二十韻

昔年有狂客。號爾謫仙人。筆落驚風雨。詩成泣鬼神。  
聲名從此大。汨沒一朝伸。文彩承殊渥。流傳必絕倫。  
龍舟移棹晚。獸錦奪袍新。白日來深殿。青雲滿後塵。  
乞歸優詔許。遇我宿心親。未負幽棲志。兼全寵辱身。  
劇談憐野逸。嗜酒見天真。醉舞梁園夜。行歌泗水春。

才高心不展。道屈善無鄰。處士彌衡俊。諸生原憲貧。

稻梁求未足。蕙苴謗何頻。五嶺炎蒸地。三危放逐臣。

幾年遭鵬鳥。獨泣向麒麟。先敘其貶謫下乃明其枉蘇武先還漢。

黃公豈事秦。楚筵辭醴日。梁獄上書辰。已用當時法。

誰將此義陳。老吟秋月下。病起暮江濱。莫怪恩波隔。

乘槎與問津。末四句入自己意言已從賊中蒙死歸朝尚遭廢棄何怪白之隔于恩波乎但

乘槎相就而已其詞含蓄不盡斯可以怨矣

贈王二十四侍御契四十韻。此王契蓋蜀人所居郊野不常在成

都城者其侍御似亦是嚴武幕中之假銜也

往往雖相見。飄飄媿此身。不關輕絨冕。俱是避風塵。

一別星橋夜。三移斗柄春。敗亡非赤壁。奔走爲黃巾。

子去何瀟灑。余藏異隱淪。書成無過雁。衣故有懸鶉。

恐懼行裝數。伶俜臥疾頻。曉鷺工迸淚。秋月解傷神。

今體詩鈔 五言卷六 三一中華書局聚

會面嗟驚黑含悽話苦辛接輿還入楚謂王王粲不歸

秦謂自錦里殘丹竈花溪待釣綸消中祇自惜晚起索

誰親伏柱聞周史謂王乘槎有漢臣謂自鴛鴻不易狎龍

虎未宜馴言兩人相知俱少而各處一地客則挂冠至交非傾蓋新

由來意氣合直取性情真浪迹同生死無心恥賤貧

偶然存蔗芋幸各對松筠麤飯依他日窮愁怪此辰

女長裁褐穩男大卷書勻滿口江如練蠶崖雪似銀

名園當翠巘野棹沒青蘋此四韻言至王所居也屢喜王侯宅

時邀江海人追隨不覺晚款曲動彌旬但使芝蘭秀

何煩棟宇鄰山陽無俗物鄭驛正留賓出入並鞍馬

光輝參席珍重遊先主廟更歷少城闈石鏡通幽魄

琴臺隱絳脣送終惟冀土結愛獨荆榛置酒高林下

觀碁積水濱區區甘累跡稍稍息勞筋網聚黏圓鯁

絲繁煮細葺長歌敲柳瘦小睡凭藤輪

此十二韻言王至城中同

遊

農月須知課田家敢忘勤浮生難去食良會惜清

晨

此言王歸所居

列國兵戈暗今王德教淳要聞除猘獠休

作畫麒麟洗眼看輕薄虛懷任屈伸莫令膠漆地萬  
古重雷陳

秋日夔府詠懷奉寄鄭監審李賓客之芳一百

韻

絕塞烏蠻北孤城白帝邊飄零仍百里消渴已三年  
雄劍鳴開匣羣書滿繫船亂離心不展衰謝日蕭然  
筋力妻孥問菁華歲月遷登臨多物色陶冶賴詩篇  
峽束滄江起

以下八韻賦夔峽之景

巖排石樹圓拂雲羃楚氣

朝海蹴吳天煮井爲鹽速燒畝度地偏有時驚壘嶂  
何處覓平川鷓鴣雙雙舞獼猴壘壘懸碧蘿長似帶

錦石小如錢。春草何曾歇。寒花亦可憐。獵人吹戍火。

野店引山泉。喚起搔頭急。

以下十韻述己流落因入夔州飲宴

扶行幾

屐穿兩京猶薄產。四海絕隨肩。幕府初交辟。郎官幸

備員。瓜時猶旅寓。萍泛苦資緣。藥餌虛狼藉。秋風灑

靜便開襟。袪瘴癘。明日掃雲煙。高宴諸侯禮。佳入上

客前。哀箏傷老大。華屋豔神仙。南內開元曲。常時弟

子傳。法歌聲變轉。滿座涕潺湲。

太史公敘事牽連旁入曲致無不盡詩中

惟少陵時亦有之

弔影夔州僻。

以下十二韻傷朝廷治亂

回腸杜曲煎。卽

今龍廢水。莫帶犬戎羶。耿賈扶王室。蕭曹拱御筵。乘

威滅蜂蠆。戮力效鷹鷂。舊物森猶在。凶徒惡未悛。國

須行戰伐。人憶止戈鋌。奴僕何知禮。恩榮錯與權。胡

星一彗孛。黔首遂拘攣。哀痛絲綸切。煩苛法令蠲。業

成陳始王。北喜出于旼。宮禁經綸密。台階翊戴全。熊

羸戴呂望鴻鴈美周宣側聽中興主長吟不世賢

以下

十四韻皆稱鄭李

音徽一柱數道里下牢千鄭李光時論文

章並我先陰何尚清省沈宋歛聯翩律比崑崙竹音  
知燥溼絃風流俱善價愜當久忘筌置驛常如此登  
龍蓋有焉雖云隔禮數不敢墜周旋高視收人表虛  
心味道元馬來皆汗血鶴唳必青田羽翼商山起蓬  
萊漢閣連管甯紗帽靜江令錦袍鮮東郡時題壁南  
湖日扣舷遠游陵絕境佳句染華箋每欲孤飛去

以下

十韻數相憶而不見以隔於兵戈也

徒爲百慮牽生涯已寥落國步尚

迤邐衾枕成蕪沒池塘作棄捐別離憂怛怛伏臘涕  
漣漣露菊斑豐鎬秋菘影澗渥共誰論昔事幾處有  
新阡富貴空回首喧爭懶著鞭兵戈塵漠漠江漢月  
娟娟局促看秋燕蕭蕭疏聽晚蟬雕蟲蒙記憶烹鯉問

沈絲卜羨君平杖

以下十二韻述己窮居之狀

偷存子敬甌囊虛

把釵釧米盡坵花鈿甘子陰涼葉茅齋八九椽陣圖

沙北岸市暨濃西巔羈絆心嘗折棲遲病卽痊紫收

岷嶺芋白種陸池蓮色好梨勝頰穰多栗過拳勅廚

唯一味求飽或三鱸兒去看魚笥人來坐馬羈縛柴

門窄窄通竹溜涓涓塹抵公畦棱村依野廟堦缺籬

將棘拒倒石賴藤纏借問頻朝謁

以下十韻言己無能仕宦以功名望

鄭李何如穩晝眠誰云行不逮自覺坐能堅霧雨銀章

澀馨香粉署妍紫鸞無近遠黃雀任翩翹困學違從

衆明公各勉旃聲華夾宸極早晚到星躔懇諫留匡

鼎諸儒引服虔不過輸鯁直會是正陶甄宵旰憂虞

軫黎元疾苦駢雲臺終日畫青簡爲誰編行路難何

有

以下十八韻言將去夔往求禪學途中將見鄭李

招尋興已專由來具飛



櫂暫擬控鳴弦。身許雙峯寺。門求七祖禪。落帆追宿  
昔衣褐。向真詮。安石名高晉。昭王客赴燕。途中非阮  
籍。槎上似張騫。披拂雲甯在。淹留景不延。風期終破  
浪。水怪莫飛涎。他日辭神女。傷春怯杜鵑。淡交隨聚  
散。澤國遶迴旋。本自依迦葉。何曾藉偃佺。鑪峯生轉  
盼。橘井尚高褰。東走窮歸鶴。南征盡跼鳶。晚聞多妙  
教。卒踐塞前愆。顧凱丹青列。頭陀琬玉鐫。衆香深黯  
黯。幾地肅芊芊。勇猛爲心極。清羸任體孱。金篋空刮  
眼鏡象。未離銓。此詩後半覺用意少漫頗有牽率處  
前半則淨樂蕭瑟分別觀之公老  
病途窮身無所倚託言將往求禪實欲鄭李  
爲之主入然淺交難以直言故意復鬱塞

謁先主廟

慘澹風雲會。乘時各有人。力侔分社稷。志屈偃經綸。  
復漢留長策。中原仗老臣。雜耕心未已。嘔血事酸辛。

一珍做宋版印  
霸氣西南歇。雄圖歷數屯。錦江元過楚。劍閣復通秦。  
舊俗存祠廟。空山泣鬼神。虛檐交鳥道。枯木半龍鱗。  
竹送清谿月。苔移玉座春。閭閻兒女換。歌舞歲時新。  
絕域歸舟遠。荒城繫馬頻。如何對搖落。況乃久風塵。  
孰與關張並。功臨耿鄧親。應天才不小。得士契無鄰。  
遲暮堪帷幄。飄零且釣緡。向來憂國淚。寂寞灑衣巾。

冬日洛城北謁元元皇帝廟

配極元都闕。憑高禁籟長。守祧嚴具禮。掌節鎮非常。  
碧瓦初寒外。金莖一氣旁。山河扶繡戶。日月近雕梁。  
仙李盤根大。猗蘭奕葉光。世家遺舊史。道德付今王。  
畫手看前輩。吳生遠擅場。森羅移地軸。妙絕動宮牆。  
五聖聯龍袞。千官列鴈行。冕旒俱秀發。旆旆盡飛揚。  
翠柏深留景。紅梨迥得霜。風箏吹玉柱。露井凍銀牀。

身退卑周室。經傳拱漢皇。谷神如不死。養拙更何鄉。  
世以此詩爲不應入畫一段非也。此是老子廟堂比  
真唐之宗廟。以嚴重爲得體。耶必有此段。既深諷刺  
而文外曲致。閒情具足。正爲佳耳。

### 行次昭陵

舊俗疲庸主。羣雄問獨夫。讖歸龍鳳質。威定虎狼都。  
天屬尊堯典。神功協禹謨。風雲隨絕足。日月繼高衢。  
文物多師古。朝廷半老儒。直詞甯戮辱。賢路不崎嶇。  
往者災猶降。蒼生喘未蘇。指揮安率土。盪滌撫洪鑪。  
壯士悲陵邑。幽人拜鼎湖。玉衣晨自舉。石馬汗常趨。  
松柏瞻虛殿。塵沙立暝途。寂寥開國日。流恨滿山隅。

### 重經昭陵

草昧英雄起。謳歌歷數歸。風塵三尺劍。社稷一戎衣。

蘆塢先生云。宇文周宗廟歌詞。有終封三尺翼亮貞  
劍長卷一戎衣。此子山之作也。杜蓋本之。

文德不承哉武威聖圖天廣大宗祀日光輝陵寢盤  
空曲熊羆守翠微再窺松柏路還見五雲飛

舟中出江陵南浦奉寄鄭少尹審

更欲投何處飄然出此都形骸元土木舟楫復江湖  
社稷纏妖氣干戈送老儒百年同棄物萬國盡窮途  
雨洗平沙淨天銜闊岸紆鳴蜩隨泛梗別燕赴秋菰  
棲託難高臥飢寒迫向隅寂寥相煦沫浩蕩報恩珠  
溟漲鯨波動衡陽鴈影徂南征問縣榻東逝想乘桴  
濫竊商歌聽時憂卞泣誅經過憶鄭驛斟酌旅情孤

前詩云淡交隨聚散此復云寂寥  
相煦沫然則審於公誼蓋甚薄

將別巫峽贈南卿兄瀼西果園四十畝

苔竹素所好萍蓬無定居遠遊長兒子幾地別林廬  
雜藥紅相對他時錦不如具舟將出峽巡圃念攜鋤

正月喧鶯未。茲辰放鵠初。雪籬梅可折。風榭柳微舒。  
托贈卿家有。因歌野興疏。殘生逗江漢。何處狎樵漁。

往復圓折  
韻味絕妙

暮春江陵送馬大卿公恩命追赴闕下

自古求忠孝。名家信有之。吾賢富才術。此道未磷緇。  
玉府標孤映。霜蹄去不疑。激揚音韻徹。籍甚衆多推。  
潘陸應同調。孫吳亦異時。北辰徵事業。南紀赴恩私。  
卿月昇金掌。王春度玉墀。薰風行應律。湛露卽歌詩。  
天意高難問。人情老易悲。樽前江漢闊。後會且深期。

王閩州筵奉酬十一舅惜別之作

萬壑樹聲滿。千崖秋氣高。浮舟出郡郭。別酒寄江濤。  
良會不復久。此生何太勞。窮途但有骨。羣盜尚如毛。  
吾舅惜分手。使君寒贈袍。沙頭暮黃鶴。失侶亦哀號。

奉觀嚴鄭公廳事岷山沱江畫圖十韻得忘字  
沱水臨中座。岷山對北堂。白波吹粉壁。青嶂插雕梁。  
直訝杉松冷。兼疑菱荇香。雪雲虛點綴。沙草得微茫。  
嶺鴈隨毫末。川蜺飲練光。霏紅洲藁亂。拂黛石蘿長。  
暗谷非關雨。丹楓不為霜。秋城元圃外。景物洞庭旁。  
繪事功殊絕。幽襟興激昂。從來謝太傅。邱壑道難忘。  
細賦閱適此等唐諸家亦能之不必杜公矣

奉和嚴中丞西城晚眺十韻

汲黯匡君切。廉頗出將頻。直詞才不世。雄略動如神。  
政簡移風速。詩清立意新。層城臨媚景。絕域望餘春。  
旗尾蛇龍會。樓頭燕雀馴。地平江動蜀。天闊樹浮秦。  
帝念深分閩。軍須遠算緡。花羅封蛟蜃。瑞錦送麒麟。  
辭第輪高義。觀圖憶古人。征南多興緒。事業闡相親。

此十韻則  
雄健勝前

春歸

苔徑臨江竹。茅檐覆地花。別來頻甲子。歸到又春華。  
倚杖看孤石。傾壺就淺沙。遠鷗浮水靜。輕燕受風斜。  
世路雖多梗。吾生亦有涯。此身醒復醉。乘興卽爲家。

哭李尚書之芳

漳濱與蒿里。逝水竟同年。欲挂留徐劍。猶迴憶戴船。  
相知成白首。此別閱黃泉。風雨嗟何及。江湖涕泫然。  
修文將管輅。奉使失張騫。之芳廣德初使蕃被留二年史閣行人

在詩家秀句傳。客亭鞍馬絕。旅櫬網蟲縣。復魄昭邱  
遠。歸魂素澹偏。樵蘇封葬地。喉舌罷朝天。秋色凋春

草。王孫若箇邊。

公與之芳聚會於江陵南離江陵於道中遽聞之芳之死起四韻述此意

最爲  
沈痛

奉漢中王手札報韋侍御蕭尊師亡

秋日蕭韋逝。淮中報峽中。少年疑柱史。多術怪仙公。  
不但時人惜。祇應吾道窮。一哀侵疾病。相識自兒童。  
處處鄰家笛。飄飄客子蓬。強吟懷舊賦。已作白頭翁。

五言今體詩鈔卷第六



五言今體詩鈔卷第七

韋應物四首

淮上喜會梁州故人

江漢曾爲客，相逢每醉還。  
浮雲一別後，流水十年閒。  
歡笑情如舊，蕭疏鬢已班。  
何因不歸去，淮上有青山。

揚州偶會前洛陽盧耿主簿

楚塞故人稀，相逢本不期。  
猶存袖裏字，忽怪鬢邊絲。  
客舍盈尊酒，江行滿篋詩。  
更能聯騎出，還似洛橋時。

賦得暮雨送李胄

楚江微雨裏，建業暮鐘時。  
漠漠帆來重，冥冥鳥去遲。  
海門深不見，浦樹遠含滋。  
相送情無限，沾襟比散絲。

送別覃孝廉

思親當自去，不第未蹉跎。  
家住青山下，門前芳草多。

秭歸通遠徼巫峽注驚波州舉年年事還期復幾何

劉文房二十五首

藝文志丁部載其為至德監察御史檢校祠部員外郎為轉運

使判官知淮西鄂岳轉運留後鄂岳觀察使吳仲儒誣奏貶潘州南巴尉除睦州司馬隨州刺史

史

經漂母墓

昔賢懷一飯茲事已千秋古墓樵人識前朝楚水流

渚蘋行客薦山木杜鵑愁春草茫茫綠王孫舊此游

秋日登吳公臺上寺遠眺

寺即陳將吳明徹戰場

古臺搖落後秋日望鄉心野寺來人少雲峯隔水深

夕陽依舊壘寒磬滿空林惆悵南朝事長江獨至今

清明後登城眺望

風景清明後雲山睥睨前百花如舊日萬井出新煙

草色無空地江流合遠天長安何處是遙指夕陽邊

松江獨宿

洞庭初下葉孤客不勝愁明月天涯夜青山江上秋  
一官成白首萬里寄滄洲久被浮名繫能無愧海鷗  
餘于旅舍

搖落暮天迥青楓霜葉稀孤城向水閉獨鳥背人飛  
渡口月初上鄰家漁未歸鄉心正欲絕何處擣寒衣  
北歸次秋浦界青谿館

萬里蟻噓斷孤村客暫依鴈過彭蠡暮人向宛陵稀  
舊路青山在餘生白首歸漸知行近北不見鷓鴣飛  
岳陽館中望洞庭湖

萬古巴邱戍平湖此望長問人何淼淼愁暮更蒼蒼  
疊浪浮元氣中流沒太陽孤舟有歸客早晚達瀟湘

歸疑  
遷

穆陵關北逢人歸漁陽

元和郡縣志光山縣木

里麻城縣穆陵關在西北八十里縣南百三十二兩縣分界只是一關其字則作木爲正右丞以

對石菌可證也

逢君穆陵路匹馬向桑乾  
楚國蒼山古幽州白日寒  
城池百戰後耆舊幾家殘  
處處蓬蒿徧歸人掩淚看

逢郴州使因寄鄭協律

相思楚天外夢寐楚猿吟  
更落淮南葉難爲江上心

第三句用淮南子木葉落長年悲四句用招魂湛湛江水上

有楓目極千里傷春心然又是卽目如非用

古衡陽問人遠湘水向君深  
欲逐孤帆去茫茫何處尋

何減右丞

和州留別穆郎中

穆甯大歷初爲和州刺史

播遷悲遠道搖落感衰容  
今日猶多難何年更此逢  
世交黃葉散鄉路白雲重  
明發看煙樹惟聞江北鐘

送張扈司直歸越中

時危身赴難。事往任浮沈。  
萬里三江客。孤城百戰心。  
春風吳草綠。古木剡山深。  
明月滄洲路。歸雲不可尋。

送李中丞之襄州

流落征南將。曾驅十萬師。  
罷歸無舊業。老去戀明時。  
獨立三邊靜。輕生一劍知。  
茫茫江漢上。日暮復何之。

送梁侍御巡永州

蕭蕭江雨暮。客散野亭空。  
憂國天涯去。思鄉歲暮同。  
到時陂未斷。迴處水應窮。  
莫望零陵路。千峯萬木中。

送金昌宗歸錢塘

新家浙江上。獨泛落潮歸。  
秋水照華髮。涼風生褐衣。  
柴門嘶馬少。藜杖拜人稀。  
惟有陶潛柳。蕭條對掩扉。

和州送人歸復郢

因家漢水曲相送掩柴扉故郢生秋草寒江澹落暉  
綠林行客少赤壁住人稀獨過潯陽去潮歸人未歸

更被奏留淮南送從弟罷使江東此當是為淮西轉運留後

時

又作淮南客還悲木葉聲寒潮落瓜步秋色上蕪城  
王事何時盡滄洲羨爾行青山將綠水惆悵不勝情

酬皇甫侍御見寄唐藝文志皇甫會侍御史貶舒州司馬

離別江南北汀洲葉再黃路遙雲共水沙迥月如霜

歲儉依仁政自注姑臧相國親臨郡縣按李揆在唐其族稱姑臧房以宰相貶袁州長史事

在上元二年揆流落十六年乃拜睦州刺史大歷十二年也是時文房蓋為睦州司馬矣年衰憶

故鄉佇君宣室召漢法倚張綱

碧澗別墅喜皇甫侍御相訪

荒村帶返照落葉亂紛紛古路無行客寒山獨見君

野橋經雨斷。礪水向田分。不爲憐同病。何人到白雲。  
何減  
摩詰

尋常山南谿道士隱居

一路經行處。莓苔見屐痕。白雲依靜渚。芳草閉閒門。  
過雨看松色。隨山到水源。谿花與禪意。相對亦忘言。  
重過宣峯寺山房寄靈一上人

西陵潮信滿。島嶼入中流。越客依風水。相思南渡頭。  
寒光生極浦。暮雪映滄洲。何事揚帆去。空驚海上鷗。  
過張明府別業

寥寥東郭外。白首一先生。解印孤琴在。移家五柳成。  
夕陽臨水釣。春雨向田耕。終日空林下。何人識此情。  
新年作

鄉心新歲切。天畔獨潛然。老至居人下。春歸在客先。

嶺煖同日暮江柳共風煙已似長沙傅從今又幾年

偶然作

野寺長依止田家或往還老農開古地夕鳥入寒山  
書劍身同廢煙霞吏共閒豈能將白髮扶杖出人閒

謫至于越亭作

天南愁望絕亭上柳條新落日獨歸鳥孤舟何處人

生涯投越徼世業陷胡塵杳杳鍾陵暮

唐地志南昌縣本豫章武

德五年析置鍾陵八年省寶應元年更豫章曰鍾陵

悠悠番水春秦臺悲白首

楚澤怨青蘋草色迷征路鸞聲傍逐臣獨醒翻引笑  
直道不容身得罪風霜苦全生天地仁青山數行淚  
滄海一窮鱗牢落機心盡唯應鷗鳥親

棲霞寺東峯尋南齊明徵君故居

山人今不見山鳥自相從長嘯辭明主終身托此峯



泉源通石徑。澗戶掩塵容。古墓依寒草。前朝寄老松。  
片雲生斷壁。萬壑徧疏鐘。惆悵空歸去。猶疑林下逢。

錢仲文八首  
送張管書記

邊事多勞役。儒衣逐鼓鼙。日寒關樹外。峯盡塞雲西。  
河廣蓬難度。天遙鴈漸低。班超封定遠。之子去思齊。

送彈琴李長史赴洪州

抱琴爲傲吏。孤櫂復南征。幾處秋江水。皆添白雪聲。  
佳期來客夢。幽思緩王程。佐牧無勞問。心和政自平。

送少微師西行

隨緣忽西去。何日返東林。世路無期別。空明不住心。  
人煙一飯少。山雪獨行深。天外蟻啼處。誰聞淸梵音。

和萬年成少府寓直

赤縣新秋後。文人藻思催。鐘聲自仙掖。月色近霜臺。  
一葉兼螢度。孤雲帶鴈來。明朝紫書下。應問長卿才。

裴迪書齋玩月

夜來詩酒興。月上謝公樓。影閉重門靜。寒生獨樹秋。  
鶻驚隨葉散。螢遠入煙流。今夕遙天末。清暉幾處愁。

題玉山村叟屋壁

谷口好泉石。居人能陸沈。牛羊上山小。煙火隔林深。  
一徑入谿色。數家連竹陰。藏虹辭晚雨。驚隼落殘禽。  
涉趣皆流目。將歸羨在林。卻思黃綬事。孤負紫芝心。

太子李舍人城東別業與二三文友逃暑

下馬失炎暑。重門深綠篁。宮臣禮嘉客。林表開蘭堂。  
茲日興難盡。澄壘照墨場。東林晚來好。極目趣何長。  
鳥道挂疏雨。人家殘夕陽。城隅擁歸騎。留酌戀瓊芳。

奉和宣城張太守南亭秋夕懷友

池館蟻蛸聲。梧桐秋露晴。月臨朱戟靜。河近畫樓明。  
捲幔浮涼入。聞鐘永夜清。片雲縣曙斗。數鴈過秋城。  
雨扇揚風暇。瑤琴悵別情。江山飛麗藻。謝朓讓前名。  
郎君曹五首

送彭將軍

雙旌漢飛將。萬里授橫戈。春色臨關盡。黃雲出塞多。  
鼓聲愁絕漠。烽戍隔長河。莫斷陰山路。天驕已請和。  
送楊中丞和蕃

錦車登隴日。邊草正萋萋。舊好尋君長。新愁聽鼓聲。  
河源飛鳥外。雪嶺大荒西。漢壘今猶在。遙知路不迷。  
盤屋縣鄭礪宅送錢大

暮蟬不可聽。落葉豈堪聞。共是悲秋客。那知此路分。

荒城背流水。遠鴈入寒雲。陶令門前菊。餘花可贈君。  
送奚賈歸吳

東南富春渚。曾是謝公游。今日奚生去。新安江正秋。  
水容清過客。楓葉落行舟。遙想赤亭下。聞鰲應夜愁。  
送韓司直路出延陵

游吳還適越。來往任風波。復送王孫去。其如春草何。  
岸明殘雪在。湖滿夕陽多。季子留遺廟。停舟試一過。  
李君虞一首

見外弟又言別

十年離亂後。長大一相逢。問姓驚初見。稱名憶舊容。  
別來滄海事。語罷暮天鐘。明日巴陵道。秋山又幾重。  
韓君平二首

題薦福寺衡嶽暕師房

春城乞食還高論此中閒僧臘階前樹禪心江上山  
疏簾看雪卷深戶映花關晚送門人出鐘聲杳闕閒

送太常元博士歸江東

渡江秋色裏詩興與歸心客路緣楓岸人家歸橘林  
潮聲當晝起山翠近南深幾日華陽洞寒花獨自尋

李從一二首

送王牧往吉州謁王使君叔

細草綠汀洲王孫耐薄游年華初冠帶文體舊弓裘  
野渡花爭發春塘水亂流使君矜小阮應念倚門愁

奉陪韋潤州過鶴林寺

野寺江城近雙旌五馬過禪心超忍辱梵語問多羅

松竹閒僧老。雲煙晚日和寒塘。歸路轉清磬隔微波。

至七里瀨作

遷客投於越。臨江淚滿衣。獨隨流水去。轉覺故人稀。  
萬木迎秋序。千峯駐晚暉。行舟猶未已。惆悵暮潮歸。

皇甫茂政二首

巫山高

巫峽見巴東。迢迢出半空。雲藏神女館。雨到楚王宮。  
朝暮泉聲落。寒暄樹色同。清猿不可聽。偏在九秋中。

奉和王相公早春登徐州城

廣德二年李臨淮卒於徐州以王縉

代都統河南淮西山南東道諸行營此縉所以有登徐州城之作

落日憑危堞。春風似故鄉。川流通楚塞。山色繞徐方。  
壁壘依寒草。旌旗動夕陽。元戎資上策。南畝起耕桑。

歸渡洛水

暝色赴春愁。歸人南渡頭。渚煙空翠合。灘月碎光流。  
澧浦饒芳草。滄浪有釣舟。誰知放歌客。此意正悠悠。

皇甫孝常一首

送李中丞歸本道

上將宜分閩。雙旌復出秦。關河三晉路。賓從五原人。  
孤戍雲通海。平沙雪度春。酬恩看玉劍。何處有煙塵。

盧允言一首

送李端

故關衰草徧。離別自堪悲。路出寒雲外。人歸暮雪時。  
少孤爲客早。多難識君遲。掩淚空相向。風塵何處期。

李端一首

茂陵山行陪韋工部

一作陪金部韋員外

宿雨朝來歇。空山天氣清。盤雲雙鶴下。隔水一蟬鳴。

古道黃花落平蕪赤燒生茂陵雖有病猶得伴君行  
司空文明五首

經廢寶慶寺

黃葉前朝寺無僧寒殿開池清龜出曝松暝鶴飛回  
古砌碑橫草陰廊畫雜苔禪宮亦銷歇塵世轉堪哀  
喜外弟盧綸見宿

靜夜四無鄰荒居舊業貧雨中黃葉樹燈下白頭人  
以我獨沈久愧君相見頻平生自有分況是蔡家親  
三四句佳以與右丞雨中山果落聯同四字則減品  
矣羊祜為蔡伯喈外孫將進爵士乞以賜舅子蔡  
襲見晉書又南史蔡興宗甥袁  
顛子昂皆名士不知此詩何指

賊平後送人北歸

世亂同南去時清獨北還他鄉生白髮舊國見青山  
曉月過殘壘繁星宿故關寒禽與衰草處處伴愁顏



雲陽館與韓紳宿別

故人江海別，幾度隔山川。  
乍見翻疑夢，相悲各問年。  
孤燈寒照雨，溼竹暗浮煙。  
更有明朝恨，離杯惜共傳。

送流人

聞說南中事，悲君重竄身。  
山村楓子鬼，江廟石郎神。  
童稚留荒宅，圖書託故人。  
青門好風景，爲爾一霑巾。

崔峒二首

題崇福寺禪院

僧家更無事，掃地與焚香。  
清磬度山翠，閒雲來竹房。  
身心塵外遠，歲月坐中忘。  
向晚禪堂閉，無人空夕陽。

登蔣山開善寺

山殿秋雲裏，香煙出翠微。  
客尋朝磬食，僧背夕陽歸。  
下界千門見，前朝萬事非。  
看心兼送日，葭菼暮依依。

戴幼公二首

除夜宿石頭驛

旅館誰相問。寒鐙獨可親。一年將盡夜。萬里未歸人。  
寥落悲前事。支離笑此身。愁顏與衰鬢。明日又逢春。

送友人東歸

此詩一作方干作題  
爲送盧評事東歸

萬里楊柳色。出關隨故人。輕煙拂流水。落日照行塵。  
積夢江湖闊。憶家兄弟貧。裋裋霸亭上。不語自傷春。

嚴正文一首

酬劉員外見寄

蘇耽佐郡時。近出白雲司。藥補清羸疾。窗吟絕妙詞。  
柳塘春水漫。花塢夕陽遲。欲識懷君意。明朝訪檝師。

顧逋翁一首

維陽早春

何地避春愁。終年憶舊游。一家千里外。百舌五更頭。  
客路偏逢雨。鄉山不入樓。故園桃李月。伊水向東流。  
于良史一首

冬日寄李贊府

地際朝陽滿。天邊宿霧收。風兼殘雪起。河帶斷冰流。  
北闕馳心極。南圖尚旅游。登臨思不已。何處可銷憂。  
章八元一首

新安江行

江源南去永。野渡暫維梢。古戍懸魚網。空林露鳥巢。  
雪晴山脊見。沙淺浪痕交。自笑無媒者。逢人卽解嘲。  
中二聯果爲佳句起結乃似藝  
成凡才力不足者易有此病

鄭錫三首

邯鄲少年行

霞鞍金口騮。豹袖紫貂裘。家住叢臺近，門前漳水流。  
喚人呈楚舞，借客試吳鉤。見說秦兵至，甘心赴國讎。

度關山

象弭插文犀，魚腸瑩鸚鵡。水聲分隴咽，馬色度關迷。  
曉幕胡沙慘，危峯漢月低。仍聞數騎將，更欲出遼西。

末二字疑  
是洸西誤

送客之江西

乘輶奉紫泥，澤國渺天涯。九派春潮滿，孤帆暮雨低。  
草深鶯斷續，花落水東西。更有高堂處，知君路不迷。

釋皎然一首

尋陸鴻漸不遇

移家雖帶郭，野徑入桑麻。近種籬邊菊，秋來未著花。  
扣門聞犬吠，欲去問西家。報道山中去，歸時每日斜。

公似孟

釋處然一首

題聖果寺

路自中峯上。盤迴出薜蘿。到江吳地盡。隔岸越山多。  
古木叢青靄。遙天浸白波。下方城郭近。鐘磬接笙歌。

五言今體詩鈔卷第七



五言今體詩鈔卷第八

劉夢得四首

蜀先主廟

天下英雄氣千秋尚凜然勢分三足鼎業復五銖錢  
得相能開國生兒不象賢淒涼蜀故伎來舞魏宮前

送河南皇甫少尹赴絳州

祖帳臨周道前旌指晉城午橋羣吏散亥字老人迎  
詩酒同行樂別離方見情從茲洛陽社吟詠少書生

秋日送客至潛水驛

候吏立沙際田家連竹谿楓林社日鼓茅屋午時雞  
雀噪晚禾地蝶飛秋草畦驛樓官樹近疲馬再三嘶

經伏波神祠

蒙蒙篁竹下有路上壺頭漢壘磨甌鬪蠻谿霧雨愁

懷人敬遺像。閱世指東流。自負霸王略。安知恩澤侯。  
鄉關辭石柱。筋力盡炎州。一以功名累。翻思馬少游。

柳子厚三首

北還登漢陽北原題臨川驛

驅車方向闕。回首一臨川。多壘非余恥。無謀終自憐。

子厚北還正吳元濟畔亂用兵之日故此詩三四句以譏秉政者又言己昔在朝時不能豫消其患也

亂松知野寺。餘雪記山田。惆悵漁樵事。今還又落然。

梅雨

梅實迎時雨。蒼茫值晚春。愁深楚蠖夜。夢斷越雞晨。  
海霧連南極。江雲暗北津。素衣今盡化。非爲帝京塵。

酬婁秀才寓居開元寺早秋月夜病中見寄

客有故園思。瀟湘生夜愁。病依居士室。夢遶羽人丘。  
味道憐知足。遺名得自求。壁空殘月曙。門掩候蟲秋。



謬委雙金重，難徵雜佩酬。碧霄無枉路，從此助離憂。  
韓退之二首

送桂州嚴大夫

蒼蒼森八桂，茲地在湖南。江作青羅帶，山如碧玉簪。  
戶多輸翠羽，家自種黃甘。遠勝登仙去，飛鸞不暇驂。  
送鄭尚書赴南海

番禺軍府盛，欲說暫停楮。蓋海旗幢出，連天觀閣開。  
衙時龍戶集，上日馬人來。風靜鶉鷄去，官廉蚌蛤迴。  
貨通師子國，樂奏武王臺。事事皆殊異，無嫌屈大才。  
張文昌五首

薊北旅思

日日望鄉國，空歌白苧詞。長因送人處，憶得別家時。  
失意還獨語，多愁祇自知。客亭門外柳，折盡向南枝。

夜到漁家

漁家在江口。湖水入柴扉。行客欲投宿。主人猶未歸。  
竹深村路遠。月出釣船稀。遙見尋沙岸。春風動草衣。

江南

江南楊柳春。日暝地無塵。渡口過新雨。夜來生白蘋。  
晴沙眠乳雁。芳樹醉游人。向晚青山下。誰家祭水神。

山中古寺

春草空祠暮。荒林惟鳥飛。記年碑石在。經亂祭人稀。  
野鼠緣珠帳。陰塵蓋畫衣。近來潭水黑。時見宿龍歸。

宿溪中驛

一作臨江驛

楚驛南渡口。夜深來客稀。月明見潮上。江靜覺鷗飛。  
旅宿今已遠。此行猶未歸。離家久無信。又聽搗寒衣。

王仲初一首

南中

天南多鳥聲。州縣半無城。野市依蠻姓。山村逐水名。  
瘴煙沙上起。陰火雨中生。獨有求珠客。年年入海行。  
白樂天三首

百花亭

朱檻在空虛。涼風八月初。山形如峴首。江色似桐廬。  
佛寺乘舟入。人家枕水居。高亭仍有月。今夜宿何如。  
夜聞箏中彈瀟湘送神曲感舊

縹緲中山女。歸來七八年。殷勤湘水曲。留在十三絃。  
苦調吟還出。深情咽不傳。萬重雲水思。今夜月明前。  
草

離離原上草。一歲一枯榮。野火燒不盡。春風吹又生。  
遠芳侵古道。晴翠接荒城。又送王孫去。萋萋滿別情。

秦公緒一首

山中贈張正則評事

系時被奏左衛以疾不就

終年常避喧。自注五千言。流水閒過院。春風與閉門。  
山容邀過客。桂實落前軒。何事教余起。微官不足論。

賈浪仙六首

宿山寺

衆岫聳寒色。精廬向此分。流星透疏木。走月逆行雲。  
絕頂人來少。松高鶴不羣。一僧年八十。世事未嘗聞。  
暮過山村

數里聞寒水。山家少四鄰。怪禽啼曠野。落日恐行人。  
初月來終夕。邊烽不過秦。蕭條桑柘外。煙火漸相親。  
泥陽館

客愁何併起。暮送故人回。廢館秋螢出。空城寒雨來。

夕陽飄白露。樹影掃青苔。獨坐離懷慘。孤燈照不開。  
憶江上吳處士

閩國揚帆去。蟾蜍缺復團。秋風吹渭水。落葉滿長安。  
此地際會夕。當時雷雨寒。蘭橈殊未返。消息海雲端。  
秋暮寄友人

寥落關河暮。霜風樹葉低。遠天垂地外。寒日下峯西。  
有志煙霞切。無家歲月迷。清宵話白閣。已負十年棲。  
送唐環歸敷水莊

毛女峯當戶。日高頭未梳。地侵山影掃。葉帶露痕書。  
松徑僧尋藥。沙泉鶴見魚。一川風景好。恨不有吾廬。  
姚合一首

山中述懷

爲客久未歸。寒山獨掩扉。曉來山鳥鬧。雨過杏花稀。

天遠雲空接谿深水自微此情對春色欲盡總忘機  
顧非熊一首

陝州道中作

孤客秋風裏驅車出陝西關山午時路村落一聲雞  
樹勢標秦遠天形到嶽低誰知我名姓來往自棲棲  
張承吉六首

孤山寺

樓臺俯碧岑一徑入湖心不雨山長潤無雲水自陰  
斷橋荒蘚合空院落花深猶憶西窗夜鐘聲出北林  
題金山寺

蒙叟嘗鄙此詩以斥其結  
句可耳中聯詎謂非佳

一宿金山寺微茫水國分僧歸夜船月龍出曉堂雲  
樹影中流見鐘聲兩岸聞因悲在城市終日醉醺醺  
惠山寺

舊宅人何在。空門客自過。泉聲到池盡。山色上樓多。  
小洞穿斜竹。重階夾細莎。殷勤望城市。雲水暮鐘和。  
題虎丘東寺

雲樹擁崔嵬。深行異俗埃。寺門山外入。石壁地中開。  
俯砌池光動。登樓海氣來。傷心萬年意。金玉葬寒灰。  
題松汀驛

山色遠含空。蒼茫澤國東。海明先見日。江白迴聞風。  
鳥道高原暮。人煙小逕通。那知舊遺逸。不在五湖中。  
晚夏歸別業

古岸扁舟晚。荒園一徑微。鳥啼新果熟。花落故人稀。  
宿潤侵苔甃。斜陽照竹扉。相逢盡鄉老。無復話時機。  
釋無可一首

秋寄從兄賈島

一珍做宋版印  
暗蟲喧暮色。默坐思西林。聽雨寒更盡。開門落葉深。  
昔因京邑病。併起洞庭心。亦是吾兄事。遲回直至今。

五言今體詩鈔卷第八



五言今體詩鈔卷第九

李義山十七首

楚宮

複壁交青鎖。重簾挂紫繩。如何一柱觀。不礙九枝燈。  
扇薄常規月。釵斜只鏤冰。歌成猶未唱。秦火入夷陵。

夜飲

卜夜容衰鬢。開筵屬異方。燭分歌扇淚。雨送酒船香。  
江海三年客。乾坤百戰場。誰能辭酪酊。淹臥劇清漳。

歸墅

行李逾南極。旬時到舊鄉。楚芝應徧紫。鄧橘未全黃。  
渠濁村舂急。旗高社酒香。故山歸夢喜。先入讀書堂。  
過故崔。充海宅。與崔明秀才話舊。因寄舊僚杜

趙李二掾

絳帳恩如昨。烏衣事莫尋。諸生空會葬。舊掾已華簪。  
共入留賓驛。俱分市駿金。莫憑無鬼論。終負托孤心。

哭劉司戶蕡

義山此等詩殆得少  
陵之神不僅形貌

路有論冤謫。言皆在中興。空聞遷賈誼。不待相孫宏。  
江關惟回首。天高但撫膺。昔年相送地。春雪滿黃陵。  
撰彭陽公誌文畢有感

延陵留表墓。峴首送沈碑。敢伐不加點。猶當無愧辭。  
百生終莫報。九死諒難追。待得生金後。川原亦幾移。  
獻寄舊府開封公

幕府三年遠。春秋一字褒。書論秦逐客。賦續楚離騷。  
地理南溟闊。天文北極高。酬恩撫身世。未覺勝鴻毛。  
河清與趙氏。昆季讌集得擬杜工部

勝槩殊江右。佳名逼渭川。虹收青嶂雨。鳥沒夕陽天。

客鬢行如此。滄波坐渺然。此中真得地。漂蕩釣魚船。  
裴明府居止

愛君茅屋下。向晚水溶溶。試墨書新竹。張琴和古松。  
坐來聞好鳥。歸去度疏鐘。明日還相見。橋南貰酒濃。  
楊本勝說於長安見小男阿哀

聞君來日下。見我最嬌兒。漸大嗔應數。長貧學恐遲。  
寄人龍種瘦。失母鳳雛癡。語罷休邊角。青鐙兩鬢絲。  
落花

高閣客竟去。小園花亂飛。參差連曲陌。迢遞送斜暉。  
腸斷未忍掃。眼穿仍欲稀。芳心向春盡。所得是霑衣。  
武侯廟前柏

蜀相階前柏。龍蛇捧閔宮。陰成外江畔。老向惠陵東。  
大樹思馮異。甘棠憶召公。葉凋湘燕雨。枝折海鵬風。

玉壘經綸遠金刀歷數終誰將出師表一爲問昭融  
戲贈張書記

別館君孤枕空庭我閉關池光不受月野氣欲沈山  
星漢秋方會關河夢幾還危絃傷遠道明鏡惜紅顏  
古木含風久平蕪盡日閒心知兩愁絕不斷若循環  
五言述德抒情詩一首四十韻獻上杜七兄僕

射相公

此蓋杜棕以宰相出節度劍南西川  
時所以獻棕者二詩並工麗典切

帝作黃金闕

起句欲學工部方丈三  
韓外而不能有其雄闊

仙開白玉京有

人扶太極惟嶽降元精耿賈官勳大荀陳地望清旗

常縣祖德甲令著嘉聲經出宣尼壁書留晏子楹武

鄉傳陣法踐土主文盟自昔流王澤由來仗國楨九

河紛合沓一柱忽崢嶸得主勞三顧驚人肯再鳴碧

虛天共轉黃道日同行

此學日月低  
秦樹一聯

後飲曹參酒先

和傳說羹。卽時賢路闢。此夜泰階平。願保無疆福。將

圖不朽名。率身期濟世。叩額慮興兵。感念殺屍露。咨

嗟趙卒阬。

此言平劉楨事與李衛公異議

儻令安隱忍。何以贊貞明。

惡草雖當路。寒松實挺生。人言真可畏。公意本無爭。

難曲詞諂諛不當公論而筆勢搏掄有力

故事留臺閣。前驅且旆旌。

此下言出

藩芙蓉王儉府。楊柳亞夫營。清嘯頻疏俗。高談屢析

醒。過庭多令子。乞墅有名甥。南詔應聞命。西山莫敢

驚。寄辭收的博。端坐掃欃槍。雅宴初無倦。長歌底有

情。檻危春水暝。樓迥雪峯晴。移席牽湘蔓。迴橈撲絳

英。誰知杜武庫。只見謝宣城。有客趨高義。於今滯下

卿。登門慚後至。置驛恐虛迎。自是依劉表。安能比老

彭。雕龍心已切。畫虎意何成。豈有曾黔突。徒勞卜倚

衡。乘時乖巧宦。占象合艱貞。廢忘淹中學。遲迴谷口

耕悼傷潘岳重樹立馬遷輕隴鳥悲丹鶯湘蘭怨紫  
莖歸期過舊歲旅夢遶殘更弱植叨華族衰門倚外  
兄欲陳勞者曲未唱淚先橫

今月二日不自量度輒以詩一首四十韻干瀆  
尊嚴伏蒙仁恩俯賜披覽獎踰其實情溢於辭  
顧惟疏蕪曷用酬戴輒復五言四十韻詩獻上

亦詩人詠歎不足之意也

二詩皆從鄭亞桂州幕中所作其時李衛

公已貶東都分司而未謫崖  
州故有扇舉遮王導之句

家擅無雙譽朝居第一功四時當首夏八節應條風  
滌濯臨清濟巉巖倚碧嵩鮑壺冰皎潔王佩玉丁東  
處劇張京兆通經戴侍中將星臨迴夜卿月麗層穹  
下令銷秦盜高談破宋聾含霜太山竹拂露嶧陽桐  
樂道乾知退當官蹇匪躬服箱青海馬入北渭川熊

固是符真宰。徒勞讓化工。鳳池春漱澗。雞樹曉矚矚。  
願守三章約。還期九譯通。薰琴調大舜。寶瑟和神農。  
慷慨資元老。周旋值狡童。仲尼羞問陳。魏絳喜和戎。  
款款將除蠹。孜孜欲達聰。所求因涓濁。安肯與雷同。  
物議將調鼎。君恩忽賜弓。開吳相上下。全蜀占西東。  
銳卒魚縣餌。豪胥鳥在籠。疲民呼杜母。鄰國仰羊公。  
置驛推東道。安禪合北宗。嘉賓增重價。上士悟真空。  
扇舉遮王導。樽開見孔融。煙飛愁舞罷。塵定惜歌終。  
岸柳兼池綠。園花映燭紅。未曾周顛醉。轉覺季心恭。  
繫滯喧人望。便蕃屬聖衷。天書何日降。庭燎幾時烘。  
早歲乖投刺。今晨幸發蒙。遠塗哀跛鼈。薄藝獎雕蟲。  
故事曾尊隗。前修有薦雄。終須煩刻畫。聊擬更磨礱。  
蠻嶺晴留雪。巴江晚帶楓。營巢憐越燕。裂帛待燕鴻。

自苦誠先槩長飄不後蓬容華雖少健思緒卽悲翁  
感激淮山館優游碣石宮待公三入相丕祚始無窮

結句  
太弱

有感二首

九服歸元化三靈叶睿圖如何本初輩自取屈菴誅  
有甚當車泣因勞下殿趨何成奏雲物直是滅萑苻  
證逮符書密辭連性命俱竟緣尊漢相不早辨胡雛  
鬼籙分朝部軍烽照上都敢云堪慟哭未免怨洪鑪  
丹陛猶敷奏彤庭歟戰爭臨危對盧植始悔用龐萌  
御仗收前殿兵徒劇背城蒼黃五色棒掩遏一陽生  
古有清君側今非乏老成素心雖未易此舉太無名  
誰瞑銜冤日甯吞欲絕聲近聞開壽讌不廢用咸英

長律惟義山猶欲學杜然但摹其句格不得其一氣  
瀆簿頓挫精神縱橫變化處有感二首世所共推然



惟古有清君側以下八句  
佳其餘序事殊乏步驟

### 溫飛卿五首

#### 送人東游

古戍落黃葉浩然離故關  
高風漢陽渡初日郢門山  
江上幾人在天涯孤櫂還  
何當重相見尊酒慰離顏

#### 途中有懷

驅車何日閒擾擾路岐閒  
歲暮自多感客程殊未還  
亭臯汝陽道風雪穆陵關  
臘後寒梅發誰人在故山

#### 春日野行

騎馬踏煙莎青春柰怨何  
蝶翎朝粉盡鴉背夕陽多  
柳豔欺芳帶山愁縈翠蛾  
別情無處說方寸是星河

#### 商山早行

晨起動征鐸客行悲故鄉  
雞聲茅店月人迹板橋霜

一  
珍  
宋  
版  
印  
榭葉暗山路。枳花明驛牆。因思杜陵夢。鳧鴈滿迴塘。  
登盧氏臺

勝地當通邑。前山有故居。臺高秋盡出。林斷野無餘。  
白露鳴蛩急。晴天度鴈疏。由來放懷地。非獨在吾廬。  
杜牧之四首

題揚州禪智寺

雨過一蟬噪。飄蕭松桂秋。青苔滿階砌。白鳥故遲留。  
暮靄生深樹。斜陽下小樓。誰知竹西路。歌吹是揚州。

揚州

揚帝雷塘上。迷藏有舊樓。誰家唱水調。明月滿揚州。  
駿馬宜閑去。千金好暗游。喧闐醉年少。半脫紫茸裘。  
秋風放螢苑。春草鬪雞臺。金絡擎鵬去。鸞環拾翠來。  
蜀船紅錦重。越橐水沈堆。處處皆華表。淮王柰卻回。

題永崇西平王宅太尉愬院六韻

天下無雙將。關西第一雄。授符黃石老。學劍白蟻公。  
矯矯雲長勇。恂恂卻縠風。家呼小太尉。國號大梁公。  
半夜龍驤去。中原虎穴空。隴山兵十萬。嗣子握瑠弓。  
劉綺莊一首

揚州送人

桂楫木蘭舟。楓江竹箭流。故人從此去。遠望不勝愁。  
落日低帆影。迴風引櫂謳。思君折楊柳。淚盡武昌樓。  
許用晦二首

將歸塗口宿鬱林寺道元上人院

春尋采藥翁。歸路宿禪宮。雲起客眠處。月殘僧定中。  
藤花深洞水。榭葉滿山風。清境不能住。朝朝慚遠公。  
韶州送杜司直出嶺

江曲山如畫。貪程亦駐舟。果隨巖狖落。槎帶水禽流。  
客散他鄉夜。人歸故國秋。尊前挂帆去。風雨下西樓。

方雄飛二首

登雪竇僧家

登寺尋盤道。人煙遠更微。石窗秋見海。山靄暮侵衣。  
衆木隨僧老。高泉盡日飛。誰能去軒冕。來此便忘機。

冬夜泊僧舍

江冬寒近臘。夜寺水天昏。無酒能銷夜。隨僧早閉門。  
照牆鐙燄細。著瓦雨聲繁。飄泊仍千里。清吟欲斷魂。

杜彥之一首

春宮怨

早被嬋娟誤。欲妝臨鏡慵。承恩不在貌。教妾若爲容。  
風暖鳥聲碎。日高花影重。年年越谿女。相憶采芙蓉。

崔禮山二首

除夜有感

迢遞三巴路。羈危萬里身。亂山殘雪夜。孤燭異鄉人。  
漸與骨月遠。轉於僮僕親。那堪正飄泊。明日歲華新。

秋日健爲道中

久客厭岐路。出門吟且悲。平生未到處。落日獨行時。  
芳草不長綠。故人無重期。那堪更南渡。鄉國已天涯。

許文化二首

憶宛陵舊居

舊憶陵陽北。林園近版橋。江晴帆影滿。野迥鶴聲遙。  
鳥徑通山市。汀扉上海潮。秦城歸去夢。夜夜到漁樵。

塞外書事

征路出窮邊。孤吟傍戍煙。河光深蕩塞。磧色迥連天。

殘日沈鵬外。驚蓬到馬前。空懷釣魚興。未定卜何年。

馬虞臣九首

楚江懷古

露氣寒光集。微陽下楚丘。蟻啼洞庭樹。人在木蘭舟。  
廣澤生明月。蒼山夾亂流。雲中君不見。竟夕自悲秋。

春思

初日照楊柳。玉樓含翠陰。啼春獨鳥思。望遠佳人心。  
幽怨貯瑤瑟。韶光凝碧林。所思曾不見。芳草意空深。  
灞上秋居

灞原風雨定。晚見鴈行頻。落葉他鄉樹。寒鐙獨夜人。  
空園白露滴。孤壁野僧鄰。醉臥郊扉久。何年致此身。  
早發故園

語別在中夜。登車離故鄉。曙鐘寒出岳。殘月迥迎霜。

風柳條多折。沙雲氣盡黃。行逢海西鴈。零落不成行。  
洛陽寒夜姚侍御宅憶賈島

夜水動寒色。洛陽城闕深。如何異鄉思。更抱故人心。  
殘月關山遠。閒階露霧侵。誰知石門路。待與子相尋。  
落日悵望

孤雲與歸鳥。千里片時閒。念我一何滯。辭家久未還。  
微陽下喬木。遠色隱秋山。臨水不敢照。恐驚平昔顏。  
宿翠微寺

處處松陰滿。樵開一徑通。鳥歸霜磬盡。僧語石樓空。  
積翠含微月。遙泉韻細風。經行心不厭。憶在故山中。  
寄終南真空禪師

閒想白雲外。了然清淨僧。松門山半寺。雨夜佛前燈。  
此境可長往。浮生自不能。一從林下別。瀑布幾成冰。

送僧歸金山寺

金陵江色裏。蟬急向秋分。迴寺橫洲島。歸僧渡水雲。  
夕陽依岸盡。清磬隔潮聞。遙想禪林下。鑪香對月焚。  
司空表聖二首

江行

地闊分吳塞。楓高映楚天。曲塘春盡雨。方響夜深船。  
行紀添新夢。羈愁甚往年。何時京洛路。馬上見人煙。  
塞下

萬里隨城在。二邊虜氣衰。沙填孤障角。燒斷故關碑。  
馬色經寒慘。鵬聲帶晚飢。將軍正閒暇。留客換歌辭。  
早春

傷心仍客處。病起卻花朝。草嫩侵沙短。冰輕著雨銷。  
風光知可愛。客鬢不相饒。早晚丹邱伴。飛書肯見招。



上柏梯寺懷舊僧

雲根禪客居。皆說舊無廬。松日明金像。山風響木魚。  
依棲應不阻。名利本來疏。縱有人相問。林閒懶折書。

寄永嘉崔道融

旅寓雖難定。乘閒是勝游。碧雲蕭寺霽。紅樹謝村秋。  
戍鼓和潮暗。船燈照島幽。詩家多滯此。風景似相留。

李承吉一首

送人入蜀

蜀客本多愁。今君是勝游。碧藏雲外樹。紅露驛邊樓。  
杜魄呼名語。巴江學字流。不知煙雨外。何處夢刀州。

于鄴一首

秋夕聞鴈

星漢欲沈盡。誰家砧未休。忽聞涼鴈至。如報杜陵秋。

千樹又黃葉。幾人新白頭。洞庭今夜客。一半卻登舟。  
張喬二首

送友人歸宜春

落花兼柳絮。無處不紛紛。遠道空歸去。流鶯獨自聞。  
野橋喧碓水。山郭入樓雲。故里南陔曲。秋期欲送君。  
送友人許棠

離鄉積歲年。歸路轉依然。夜火山頭市。春江樹杪船。  
干戈愁鬢改。瘴癘喜家全。何處營甘旨。頻潮浸薄田。  
周大朴二首

董嶺水

湖州安吉縣。門與白雲齊。禹力不到處。河聲流向西。  
去衝山色遠。近水月光低。中有高人在。沙中曳杖藜。  
哭陳叟

繫馬向山立一椽聊冀君野煙孤客路寒草故人墳  
琴韻歸流水詩情寄白雲日斜休哭後松吹不堪聞  
劉得仁一首

冬日題邵公院

無事關多掩陰階竹拂苔勁風吹雪聚渴鳥啄冰開  
樹向寒山得人從瀑布來終期天目老驚錫逐雲回  
裴說一首

題岳州僧舍

喜到重湖地孤舟橫晚煙鷺銜魚入寺鴉接飯隨船  
松檜君山迥菰蒲夢澤連與師吟論處秋水浸遙天  
韋端己二首

章臺夜思

清瑟怨遙夜繞絃風雨哀孤鐙聞楚角殘月下章臺

芳草已云暮。故人殊未來。鄉書不可見。秋鴈又南回。

延興門外作

芳草五陵道。美人金犢車。綠奔穿內水。紅落過牆花。  
馬足倦游客。鳥聲歡酒家。王孫歸去晚。宮樹欲棲鴉。

五言今體詩鈔卷第九

七言今體詩鈔卷第一

沈雲卿二首

古意贈補闕喬知之

盧家少婦鬱金堂，海燕雙棲玳瑁梁。  
九月寒砧催木葉，十年征戍憶遼陽。  
白狼河北音書斷，丹鳳城南秋夜長。  
誰謂含愁獨不見，更教明月照流黃。

興慶池侍宴應制

碧水澄潭映遠空，紫雲香駕御微風。  
漢家城闕疑天上，秦地山川似鏡中。  
向浦回舟萍已綠，分林蔽殿槿初紅。  
古來徒奏橫汾曲，今日宸游聖藻雄。

杜必簡二首

大酺

昆陵震澤九州通，士女歡娛萬國同。  
伐鼓撞鐘驚海

上新妝。袂服照江東。梅花落處疑殘雪。楊柳開時任好風。火德雲官逢道泰。天長地久屬年豐。

春日京中有懷

今年游寓獨游秦。愁思看春不當春。上林苑裏花徒發。細柳營前葉漫新。公子南橋應盡興。將軍西第幾留賓。寄與洛城風日道。明年春色倍還人。

是時天子居東都故

遊秦者反為愁思

李巨山一首

奉和初春幸太平公主南莊應制

主家山第接雲開。天子春游動地來。羽騎參差花外轉。霓旌搖曳日邊回。還將石溜調琴曲。更取峯霞入酒杯。鑿輅已辭烏鵲渚。簫聲猶遶鳳皇臺。

蘇廷碩二首

扈從鄠杜閒奉呈刑部尚書舅崔黃門馬常侍  
翠輦紅旗出帝京長楊鄠杜昔知名雲山一一看皆  
美竹樹叢叢畫不成羽騎將歸持袂拂香車欲度捲  
簾行漢家曾草巡游賦可似今朝應聖明

奉和春日幸望春宮應制

東望望春春可憐更逢晴日柳含煙宮中下見南山  
盡城上平臨北斗縣細草偏承回輦處飛花故落舞  
觴前宸游對此歡無極鳥弄歌聲雜管絃

張道濟二首

幽州新歲作

去歲荆南梅似雪今年薊北雪如梅共知人事何嘗  
定且喜年華去復來邊鎮戍歌連日動京城燎火徹  
明開遙遙西向長安日願上南山壽一栢

滬湖山寺

此是燕公在岳州詩所謂得江山之助者也

空山寂歷道心生。虛谷迢遙野鳥聲。禪室由來雲外賞。香臺豈是世中情。雲閒東嶺千重出。樹裏南湖一片明。若使巢由同此意。不將蘿薜易簪纓。

謝宣城云我行雖紆

組兼得窮迴豁結句即其義言不以遷謫爲病而正得山水之樂也蓋其意實憾其詞反夸也

宗楚客一首

奉和幸安樂公主山莊應制

玉樓銀榜枕巖城。翠蓋紅旗列禁營。日映層巖圖畫色。風搖雜樹管絃聲。水邊重閣含飛動。雲裏孤峯類削成。幸覩八龍游閬苑。無勞萬里訪蓬瀛。

七言今體詩鈔卷第一



七言今體詩鈔卷第二

王摩詰十一首

奉和聖製從蓬萊向興慶閣道中留春雨中春  
望之作應制

渭水自縈秦塞曲。黃山舊繞漢宮斜。鑿與迥出千門  
柳閣道。迴看上苑花。雲裏帝城雙鳳闕。雨中春樹萬  
人家。爲乘陽氣行時令。不是宸游玩物華。

敕借岐王九成宮避暑應制

帝子遠辭丹鳳闕。天書遙借翠微宮。隔窗雲霧生衣  
上。卷幔山泉入鏡中。林下水聲誼笑語。巖閒樹色隱  
房櫺。仙家未必能勝此。何事吹笙向碧空。

和太常韋主簿五郎溫湯寓目之作

漢主離宮接露臺。翼奉傳孝文欲作一臺廢而不爲  
其積土基至今猶存師古曰今在

新豐縣南驪山頂上據此則首句  
是實事切景非漫用以就韻也

秦川一半夕陽開

青山盡是朱旗遶碧湖翻從玉殿來  
新豐樹裏行人度小苑城邊獵騎回  
聞道甘泉能獻賦懸知獨有子雲才

### 勅賜百官櫻桃

芙蓉闕下會千官紫禁朱櫻出上闌  
纔是寢園春薦後非關御苑鳥銜殘  
歸鞍競帶青絲籠中使頻傾赤玉盤  
飽食不須愁內熱大官還有蔗漿寒

### 酬郭給事

洞門高閣藹餘暉桃李陰陰柳絮飛  
禁裏疏鐘官舍晚省中啼鳥吏人稀  
晨搖玉佩趨金殿夕奉天書拜瑣闈  
強欲從君無那老將因臥病解朝衣

出塞作

右丞嘗為御史使塞上正其中年才氣極盛之時此作聲出金石有磨斥八極

之槩  
矣

居延城外獵天驕。白草連天野火燒。暮雲空磧時驅  
馬。秋日平原好射鵬。護羌校尉朝乘障。破虜將軍夜  
度遼。玉靶角弓珠勒馬。漢家將賜霍嫖姚。

積雨輞川莊作

積雨空林煙火遲。蒸藜炊黍餉東菑。漠漠水田飛白  
鷺。陰陰夏木轉黃鸝。山中習靜觀朝槿。松下清齋折  
露葵。野老與人爭席罷。海鷗何事更相疑。

春日與裴迪過新昌里訪呂逸人不遇

桃源四面絕風塵。柳市南頭訪隱淪。到門不敢題凡  
鳥。看竹何須問主人。城外青山如屋裏。東家流水入  
西鄰。閉戶著書多歲月。種松皆作老龍鱗。

送揚少府貶郴州

明到衡山與洞庭。若爲秋月聽蟬聲。愁看北渚三湘遠。惡說南風五兩輕。青草瘴時過夏口。白頭浪裏出潞城。長沙不久留才子。賈誼何須弔屈平。

過乘如禪師蕭居士嵩邱蘭若

無著天親弟與兄。嵩邱蘭若一峯晴。食隨鳴磬巢烏下。行踏空林落葉聲。迸水定侵香案溼。雨花應共石牀平。深洞長松何所有。儼然天竺古先生。

送方尊師歸嵩山

仙官欲住九龍潭。毛節朱幡倚石龕。山壓天中半天上。洞穿江底出江南。瀑布杉松常帶雨。夕陽彩翠忽成嵐。借問迎來雙白鶴。已曾衡岳送蘇耽。

奇氣噴溢

李頎六首

寄司勳盧員外

流澌臘月下河陽。草色新年發建章。秦地立春傳太史。漢宮題柱憶仙郎。歸鴻欲度千門雪。侍女新添五夜香。早晚薦雄文似者。故人今已賦長楊。

寄綦毋三

綦毋潛以麗正殿書院校書授宜壽尉蓋薄尉職而去之歸南康宜壽尉

整屋畿縣也故曰去洛陽唐制選人吏部注擬後過

居東都故曰去洛陽唐制選人吏部注擬後過

門下省是一過丞相府也麗正殿書院中書令

張燕公統之三接借用易彖謂燕公有勲於進

賢矣南川即南江章貢水也西嶺即洪州西山

也張曲江有洪州答綦毋學士詩足證其歸王

灣有哭綦毋補闕之命下而潛已死矣

傳龍令迴蓋補闕之命下而潛已死矣

新加大邑綬仍黃。近與單車去洛陽。顧盼一過丞相

府風流三接令。公香南川粳稻花。侵縣西嶺雲霞色。

滿堂共道進賢蒙。上賞看君幾歲作臺郎。往復頓挫章法殊妙

送魏萬之京

太白稱萬為王屋山人後改名顯作太白集序

朝聞游子唱驪歌。昨夜微霜初度河。鴻鴈不堪愁裏

今體詩鈔 七言卷二 一

聽雲山況是客中過。關城樹色催寒近。御苑砧聲向  
晚多。莫見長安行樂處。空令歲月易蹉跎。

送李迥

知君官屬大司農。詔幸驪山職事雄。歲發金錢供御  
府。晝看仙液注離宮。千巖曙色旌門上。十月寒花輦  
路中。不覩聲名與文物。自傷流滯去關東。

文物屬乘輿臨幸收後二句  
勿以誤用左傳聲明摘之

題璿公山池

遠公遁迹廬山岑。開士幽居祇樹林。片石孤峯窺色  
相。清池皓月照禪心。指揮如意天花落。坐臥閑房春  
草深。此外俗塵俱不染。惟餘元度得相尋。

依王元美  
定開山爲

開士

宿瑩公禪房聞梵

花宮仙梵遠微微。月隱高城鐘漏稀。夜動霜林驚落葉。曉聞天籟發清機。蕭條已入寒空靜。颯沓仍隨秋雨飛。始覺浮生無住著。頓令心地欲皈依。

岑參二首

首春渭城西郊呈藍田張二主簿

迴風度雨渭城西。細草新花踏作泥。秦女峯頭雲未盡。胡公陂上日初低。愁窺白髮羞微祿。悔別青山憶舊谿。聞道輞川多勝事。玉壺春酒正堪攜。

暮春虢州東亭送李司馬歸扶風別廬

柳隲鶯嬌花復殷。紅亭綠酒送君還。到來函谷愁中月。歸去磻谿夢裏山。簾前春色應須惜。世上浮名好是閒。西望鄉關腸欲斷。對君衫袖淚痕斑。

和賈至舍人早朝大明宮之作

雞鳴紫陌曙光寒。鸞轉皇州春色闌。金闕曉鐘開萬戶。玉階仙仗擁千官。花迎劍珮星初落。柳拂旌旗露未乾。獨有鳳皇池上客。陽春一曲和皆難。

高達夫三首

夜別韋司士

高館張燈酒復清。夜鐘殘月鴈歸聲。只言啼鳥堪求侶。無那春風欲送行。黃河曲裏沙爲岸。白馬津邊柳向城。莫怨他鄉暫離別。知君到處有逢迎。

送李少府貶峽中王少府貶長沙

嗟君此別意何如。駐馬銜杯問謫居。巫峽啼猿數行淚。衡陽歸鴈幾封書。青楓江上秋天遠。白帝城邊古木疏。聖代卽今多雨露。暫時分手莫躊躇。

送前衛縣李宋少府



黃鳥翩翩楊柳垂。春風送客使人悲。怨別自驚千里外。論交卻憶十年時。雲開汶水孤帆遠。路遶梁山匹馬遲。此地從來可乘興。留君不住益淒其。常侍每工於發端

崔顥二首

黃鶴樓

昔人已乘黃鶴去。此地空餘黃鶴樓。黃鶴一去不復返。白雲千載空悠悠。晴川歷歷漢陽樹。芳草萋萋鸚鵡洲。日暮鄉關何處是。煙波江上使人愁。

行經華陰

崑嶢大華俯咸京。天外三峯削不成。武帝祠前雲欲散。仙人掌上雨初晴。河山北枕秦關險。驛樹西連漢時平。借問路傍名利客。無如此地學長生。三四壯於嘉州秦女

崔曙一首

九日登望仙臺呈劉明府

漢文皇帝有高臺。此日登臨曙色開。三晉雲山皆北向。二陵風雨自東來。關門令尹誰能識。河上仙翁去不迴。且欲近尋彭澤宰。陶然共醉菊花杯。

張正言二首

別韋郎中

此正言使長沙時韋與同時使蜀者首句言韋次句入別意三五句皆自

指四六句皆言韋

星軺計日赴岷峨。雲樹連天阻笑歌。南入洞庭隨鴈去。西過巫峽聽猿多。崢嶸洲上飛黃蜨。灑灑堆邊起白波。不醉郎中桑落酒。教人無那別離何。

杜侍御送貢物戲贈

此蓋嶺南幕寮侍御其檢校借銜耳詩意刺其府主

銅柱朱崖道路難。伏波橫海舊登壇。越人自貢珊瑚

樹漢使何勞獬豸冠。疲馬山中愁日晚。孤舟江上畏  
春寒。由來此貨稱難得。多恐君王不忍看。

祖詠一首

望薊門

燕臺一望客心驚。簫鼓喧喧漢將營。萬里寒光生積  
雪。二邊曙色動危旌。沙場烽火連胡月。海畔雲山擁  
薊城。少小雖非投筆吏。論功還欲請長纓。

七言今體詩鈔卷第二



七言今體詩鈔卷第二

杜子美六十首

秋興八首

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩開他日淚。孤舟一繫故園心。寒衣處處催刀尺。白帝城高急暮砧。

夔府孤城落日斜。每依北斗望京華。聽猿實下三聲淚。奉使虛隨八月槎。畫省香爐違伏枕。山樓粉堞隱悲笳。請看石上藤蘿月。已映洲前蘆荻花。

千家山郭靜朝暉。日日江樓坐翠微。信宿漁人還汎汎。清秋燕子故飛飛。匡衡抗疏功名薄。劉向傳經心事違。同學少年多不賤。五陵裘馬自輕肥。

聞道長安似奕碁。百年世事不勝悲。王侯第宅皆新

主文武衣冠異昔時直北關山金鼓振征西車馬羽  
書遲魚龍寂寞秋江冷故國平居有所思

蓬萊宮闕對南山承露金莖霄漢閒西望瑤池降王  
母東來紫氣滿函關雲移雉尾開宮扇日遶龍鱗識  
聖顏一臥滄江驚歲晚幾回青瑣點朝班

瞿塘峽口曲江頭萬里風煙接素秋花萼夾城通御  
氣芙蓉小苑入邊愁珠簾繡柱圍黃鶯錦纜牙檣起  
白鷗迴首可憐歌舞地秦中自古帝王州

瞿塘乃杜  
公即日之

語蒙叟謂指明  
皇幸蜀謬也

昆明池水漢時功武帝旌旗在眼中織女機絲虛夜  
月石鯨鱗甲動秋風波漂菰米沈雲黑露冷蓮房墜

粉紅闕塞極天唯鳥道江湖滿地一漁翁

蒙叟謂漁  
翁卽信宿

泛泛之漁人謂公自指則陋此謬解也公以垂綸自  
命詩本數見何陋之有結句若非自指何以收拾本

昆吾御宿自逶迤。紫閣峯陰入漢陂。紅豆啄餘鸚鵡  
粒。碧梧棲老鳳皇枝。佳人拾翠春相問。仙侶同舟晚  
更移。綵筆昔曾干氣象。白頭今望苦低垂。

依毛大可  
定吟望爲

望今

登高

風急天高蟻嘯哀。渚清沙白鳥飛迴。無邊落木蕭蕭  
下。不盡長江衮衮來。萬里悲秋常作客。百年多病獨  
登臺。艱難苦恨繁霜鬢。潦倒新停濁酒杯。

九日藍田崔氏莊

老去悲秋強自寬。興來今日盡君歡。羞將短髮還吹  
帽。笑倩旁人爲正冠。藍水遠從千瀾落。玉山高並兩  
峯寒。明年此會知誰健。醉把茱萸仔細看。

九日

重陽獨酌杯中酒。抱病起登江上臺。竹葉於人既無分。菊花從此不須開。殊方日落元蟻哭。故國霜前白鴈來。弟妹蕭條各何往。干戈衰謝兩相催。

返照

楚王宮北正黃昏。白帝城西過雨痕。返照入江翻石壁。歸雲擁樹失山村。衰年病肺唯高枕。絕塞愁時早閉門。不可久留豺虎亂。南方實有未招魂。

閣夜

歲暮陰陽催短景。天涯霜雪霽寒宵。五更鼓角聲悲壯。三峽星河影動搖。野哭千家聞戰伐。夷歌幾處起漁樵。臥龍躍馬終黃土。人事音書漫寂寥。

野望



西山白雪三城戍。南浦清江萬里橋。海內風塵諸弟  
隔。天涯涕淚一身遙。唯將遲暮供多病。未有涓埃答  
聖朝。跨馬出郊時極目。不堪人事日蕭條。

登樓

花近高樓傷客心。萬方多難此登臨。錦江春色來天  
地。玉壘浮雲變古今。北極朝廷終不改。西山寇盜莫  
相侵。可憐後主還祠廟。日暮聊爲梁父吟。

野老

野老籬前江岸迴。柴門不正逐江開。漁人網集澄潭  
下。賈客船從返照來。長路關心悲劍閣。片雲何意傍  
琴臺。王師未報收東郡。城闕秋生畫角哀。

宿府

清秋幕府井梧寒。獨宿江城蠟炬殘。永夜角聲悲自

語中天月色好誰看。風塵荏苒音書絕。關塞蕭條行路難。已忍伶俜十年事。強移棲息一枝安。

恨別

洛城一別四千里。胡騎長驅五六年。草木變衰行劍外。兵戈阻絕老江邊。思家步月清宵立。憶弟看雲白日眠。聞道河陽近乘勝。司徒急爲破幽燕。

聞官軍收河南河北

劍外忽傳收薊北。初聞涕淚滿衣裳。卻看妻子愁何在。漫卷詩書喜欲狂。白首放歌須縱飲。青春作伴好還鄉。卽從巴峽穿巫峽。便下襄陽向洛陽。

自注余園田在東京

諸將

漢朝陵墓對南山。胡虜千秋尚入關。昨日玉魚蒙葬地。早時金盃出人閒。見愁汗馬西戎逼。曾閃朱旗北

斗殿多少材官守涇渭將軍且莫破愁顏  
韓公本意築三城擬絕天驕拔漢旌豈謂盡煩回紇  
馬翻然遠救朔方兵胡來不覺潼關隘龍起猶聞晉  
水清獨使至尊憂社稷諸君何以答昇平

洛陽宮殿化爲烽休道秦關百二重滄海未全歸禹  
貢薊門何處盡堯封朝廷衰職誰爭補天下軍儲不  
自供稍喜臨邊王相國肯銷金甲事春農

迴首扶桑銅柱標冥冥氛祲未全銷越裳翡翠無消  
息南海明珠久寂寥殊錫曾爲大司馬總戎皆插侍  
中貂炎風朔雪天王地只在忠良翊聖朝

錦江春色逐人來巫峽清秋萬壑哀正憶往時嚴僕  
射共迎中使望鄉臺主恩前後三持節軍令分明數  
舉楛西蜀地形天下險安危須仗出羣材

此五詩蒙  
叟之箋皆

詠懷古迹

五首  
錄四

支離東北風塵際。漂泊西南天地間。三峽樓臺淹日月。五谿衣服共雲山。羯胡事主終無賴。詞客哀時且未還。庾信平生最蕭瑟。暮年詩賦動江關。搖落深知宋玉悲。風流儒雅亦吾師。悵望千秋一灑淚。蕭條異代不同時。江山故宅空文藻。雲雨荒臺豈夢思。最是楚宮俱泯滅。舟人指點到今疑。

羣山萬壑赴荆門。生長明妃尚有村。一去紫臺連朔漠。獨留青冢向黃昏。畫圖省識春風面。環珮空歸月夜魂。千載琵琶作胡語。分明怨恨曲中論。

蜀主窺吳下。三峽崩年亦在永安宮。翠華想像空山裏。玉殿虛無野寺中。古廟杉松巢水鶴。歲時伏臘走

邨翁武侯祠屋常鄰近

自注殿今爲寺廟在宮東

一體君臣祭祀

同

### 蜀相廟

丞相祠堂何處尋  
錦官城外柏森森  
映階碧草自春色  
隔葉黃鸝空好音  
三顧頻繁天下計  
兩朝開濟老臣心  
出師未捷身先死  
長使英雄淚滿襟

### 贈田九判官

崆峒使節上青霄  
河隴降王款聖朝  
宛馬總肥春苜蓿  
將軍只數漢嫖姚  
陳留阮瑀誰爭長  
京兆田郎早見招  
麾下賴君才並美  
獨能無意向漁樵

### 送路六侍御入朝

童稚情親四十年  
中間消息兩茫然  
更爲後會知何地  
忽漫相逢是別筵  
不分桃花紅勝錦  
生憎柳絮絮白

如綿劍南春色還無賴觸忤愁人到酒邊

寄章十侍御

自注時初罷梓州刺史東川留後將赴朝廷

淮海維揚一俊人金章紫綬照青春指揮能事迴天

地訓練強兵動鬼神湘西不得歸關羽河內猶宜借

寇恂朝覲從容問幽仄勿云江漢有垂綸與吳爭荆

州既而連和分荆州以湘為界江夏長沙桂陽東屬

吳南郡零陵武陵西屬蜀是時壯繆董督荆州是湘

西三郡皆歸之矣詩言章侍御罷留後之任不復如

壯繆董督支郡猶當使仍守梓州耳蓋是時併兩川

為一道罷東川道故用湘西事為精切蒙叟乃以

來瑱為程元振構陷當之瑱事何與於章彝耶

送李八秘書赴杜相公墓

青簾白舫益州來巫峽秋濤天地迴石出倒聽楓葉

下艣搖背指菊花開貪趨相府今晨發恐失佳期後

命催南極一星朝北斗五雲多處是三台

公安送韋二少府匡贊

逍遙公後世多賢。送爾維舟惜此筵。念我能書數字  
至。將詩不必萬人傳。時危兵甲黃塵裏。日短江湖白  
髮前。古往今來皆涕淚。斷腸分手各風煙。

送鄭十八虔貶司戶傷其臨老陷賊之故闕爲

面別情見乎詩

一本作貶  
台州司戶

鄭公樗散鬢如絲。酒後常稱老畫師。萬里傷心嚴譴  
日。百年垂死中興時。蒼皇已就長途往。邂逅無端出  
餞遲。便與先生應永訣。九重泉路盡交期。

送辛員外

雙峯寂寂對春臺。萬竹青青照客杯。細草流連侵坐  
軟。殘花悵望近人開。同舟昨日何由得。並馬今朝未  
擬迴。直到綿州始分手。江邊樹裏共誰來。

送韓十四江東省覲

一珍  
備宋  
影稀。此別應須各努力。故鄉猶恐未同歸。

又作此奉衛王

前有江陵節度陽城郡  
王新樓成之作未錄

西北樓成雄楚都。遠開山嶽散江湖。二儀清濁還高下。三伏炎蒸定有無。推轂幾年惟鎮靜。曳裾終日盛文儒。白頭授簡焉能賦。愧似相如爲大夫。

所思

自注崔  
吏部倚

苦憶荊州醉司馬。謫官尊酒定常開。九江日落醒何處。一柱觀頭眠幾回。可憐懷抱向人盡。欲問平安無使來。故憑錦水將雙淚。好過瞿唐灑瀨堆。

和裴迪登蜀州東亭送客逢早梅相憶見寄之

作



東閣官梅動詩興。還如何遜在揚州。此時對雪遙相憶。送客逢春可自由。幸不折來傷歲暮。若爲看去亂鄉愁。江邊一樹垂垂發。朝夕催人自白頭。

將赴荆南寄別李劍州第

使君高義驅今古。寥落三年坐劍州。但見文翁能化俗。焉知李廣不封侯。路經灑灑瀨雙蓬鬢。天入滄浪一釣舟。戎馬相逢更何日。春風回首仲宣樓。

因許八奉寄江甯閔上人

不見閔公三十年。封書寄與淚潺湲。舊來好事今能否。老去新詩誰與傳。棋局動隨幽澗竹。袈裟憶上泛湖船。聞君話我爲官在。頭白昏昏只醉眠。

至日遣興奉寄北省舊閣老兩院故人

二首  
錄一

憶昨逍遙供奉班。去年今日侍龍顏。麒麟不動爐煙

上孔雀徐開扇影還。玉几由來天北極。朱衣只在殿中閒。孤城此日腸堪斷。愁對寒雲雪滿山。

曲江陪鄭八丈南史飲

雀啄江頭楊柳花。鷓鴣鸕鶿滿晴沙。自知白髮非春事。且盡芳尊戀物華。近侍卽今難浪迹。此身那得更無家。丈人才力猶強健。豈傍青門學種瓜。

賓至

幽棲地僻經過少。老病人扶再拜難。豈有文章驚海內。漫勞車馬駐江干。竟日淹留佳客坐。百年粗糲腐儒餐。不嫌野外無供給。乘興還來看藥欄。

客至

自注喜崔明府相過

舍南舍北皆春水。但見羣鷗日日來。花徑不曾緣客掃。蓬門今始爲君開。盤餐市遠無兼味。尊酒家貧只

舊醅肯與鄰翁相對飲。隔籬呼取盡餘杯。

南鄰

錦里先生烏角巾。園收芋栗未全貧。慣看賓客兒童喜。得食階除鳥雀馴。秋水纔深四五尺。野航恰受兩三人。白沙翠竹江村暮。相送柴門月色新。

野人送櫻桃

西蜀櫻桃也自紅。野人相贈滿筠籠。數回細寫愁仍破。萬顆勻圓訝許同。憶昨賜露門下省。退朝擎出大明宮。金盤玉筋無消息。此日嘗新任轉蓬。

紫宸殿退朝口號

戶外昭容紫袖垂。雙瞻御座引朝儀。香飄合殿春風轉。花覆千官淑景移。晝漏稀聞高閣報。天顏有喜近臣知。宮中每出歸東省。會送夔龍集鳳池。

省中題壁

掖垣竹埤梧十尋。洞門對雪常陰陰。落花游絲白日靜。鳴鳩乳燕青春深。腐儒衰晚謬通籍。退食遲回違寸心。衮職曾無一字補。許身愧比雙南金。

九日

去年登高鄴縣北。今日重在涪江濱。苦遭白髮不相放。羞見黃花無數新。世亂鬱鬱久爲客。路難悠悠常傍人。酒闌卻憶十年事。腸斷驪山清路塵。

暮歸

霜黃碧梧白鶴棲。城上擊柝復烏啼。客子入門月皎皎。誰家擣練風淒淒。南渡桂水闕舟楫。北歸秦川多鼓鼙。年過半百不稱意。明朝看雲還杖藜。

白帝城最高樓

城尖徑仄旌旆愁。獨立縹緲之飛樓。峽坼堦雲羸龍虎。  
臥江清日抱龜鼉游。扶桑西枝封斷石。弱水東影隨  
長流。杖藜歎世者誰子。泣血迸空迴白頭。

灑灑

灑灑旣沒孤根深。西來水多愁太陰。江天漠漠鳥雙  
去。風雨時時龍一吟。舟人樵子歌回首。估客胡商淚  
滿襟。寄語舟航惡年少。休翻鹽井橫黃金。

崔氏東山草堂

愛汝玉山草堂靜。高秋爽氣相鮮新。有時自發鐘磬  
響。落日更見漁樵人。盤剝白鴉谷口栗。飯煮青泥坊  
底芹。何爲西莊王給事。柴門空閉鎖松筠。

將赴成都草堂途中有作先寄嚴鄭公

五首  
錄一

錦官城西生事微。烏皮几在還思歸。昔去爲憂亂兵

入今來已恐鄰人非。側身天地更懷古。回首風塵甘  
息機。共說總戎雲鳥陣。不妨游子芰荷衣。

### 黃草

黃草峽西船不歸。赤甲山下行人稀。秦中驛使無消  
息。蜀道兵戈有是非。萬里秋風吹錦水。誰家別淚溼  
羅衣。莫愁劍閣終堪據。聞道松州已被圍。

### 白帝

白帝城中雲出門。白帝城下雨翻盆。高江急峽雷霆  
鬪。古木蒼藤日月昏。戎馬不如歸馬逸。千家今有百  
家存。哀哀寡婦誅求盡。痛哭秋原何處村。

### 野望

金華山北涪水西。仲冬風日始淒淒。山連越嶺蟠三  
蜀。水散巴渝下五谿。獨鶴不知何事舞。飢鳥似欲向

人啼射洪春酒寒仍綠。極目傷神誰爲攜。

卽事

天畔羣山孤草亭。江中風浪雨冥冥。一雙白魚不受  
釣。三寸黃柑猶自青。多病馬卿無日起。窮途阮籍幾  
時醒。未聞細柳散金甲。腸斷秦川流濁涇。

七言今體詩鈔卷第二